

比玉集序

比玉集者侍御劉子威輯其近稿并采文學魏季朗所嘗同賦也題曰比玉猶古聯璧集云昔余嘗序侍御客閩越詩已窺其一班茲探其具體曾不數年而所得之深所造之速若此季朗挺頓悟之資受相摩之益起予間發驚人特鳴允哉儷我夫詩體殊方才情異秉魏武惜兼善之難劉勰

歎通圓之鮮故或五言妙絕而他製未工
或七字長城而古風遂掩粵稽作者誰能
免此人猶病諸茲覽集中樂府取裁饒吹
歌行嗣軌翰林選準曹劉律宗王孟七言
間參大曆絕句全擬龍標至青君紅霄之
章金簡肇字瓊笈派音鉤竒險譎非玄思
不能研咀騷肆籟非博極莫能鏡憤世澠
垢故稱物芳游心昭曠故修辭衍將回附

於逐嗜而駭聽於希聲也劉若天馬騫空
而魏亦神駒泛駕劉若湛盧淬鏑而魏亦
飛景發劓夫溫潤而淖玉也清越以長亦
玉也雖沖豔各專閎眇互擅江生所云蛾
眉詎同貌而俱動於魄香草寧共氣而皆
悅於魂謂非瑤琢之力哉在管顏譏齊稱
陰何並論近則五嶽屬詠於田郎青州合
鳴於李子斯實命代之二才江東之雙俊

也時余方抱沉痾獲披藻撰頓爾吻燥霍
然神爽因悟頭風可愈奚假胡麻煩憊自
除無須藥石乃枕臂而為之序

隆慶改元中秋日司勳氏皇甫汈子循撰

比玉集序

夫詩言志也士有不得其志而言之者俟
知己於後也卞和氏奚泣哉悲夫楚如是
其大三獻如是其數而舉天下之器頭之
以石也又何難焉魏之田父始疑之而卒
怪之棄之惟恐其不遠乎是猶已寘之廡
下怖其明照一室耳宋人何見而齧礫於
篋五都自饗及笑於周客巖之益固馨矣

別焉即有明照一室畜之弗利其家矣乃
曰姑舍汝所學而從我則寧桓於櫝中詩
之為教言之者無罪而匹夫以賈害則烏
用此君子服之烏在其禦不祥也何子威
懷瑾握瑜自令放為乃有季朗於席上乎
詘然抱不遇之感三復喜起之章響中鳴
球有卷者阿矢音特達扼腕小雅孟子之
論離騷墨臣之誼交舍互映異采同符無

倡不羸有投必報以相為知己以快於當
年是集之所由作也豈其無因而至前治
德結好而冒不屬之患以俟夫怪而棄之
者必不然矣是集也其瑟若者其理勝也
其煥若者其孚勝也二君子固在烏談者
為價側而視之有厚倍者則精氣之致壯
云爾是相詩之道乎

濟南李攀龍題



國家圖書館, NATIONAL CENTRAL LIBRARY, TAIWAN, R.O.C.

五五五五二



比玉集卷一

長洲劉鳳子威

吳魏學禮季朗

家孫儁孺
幼孫馱康校刻

樂府

練時日

子威

練時日超惚荒灌休鬯達陰陽侯之拔皇下來
穆將將天門開皇之駕馳緦縕踈緩節抗采文
皇之降紛有望焱連蜷爛何貺皇既愴神哉宴
揚壽宮揆漫漫光掩溢聲流唱籥玄雲雨以沛

國家圖書館 NATIONAL CENTRAL LIBRARY, TAIWAN, R.O.C.

皇之愉相臨須泊如饗承象輿震蕩心延滯滯
通攸感俠若喑馨醴醖庶惟湛琴空桑越以吟
遁代進和顏嫉綽靡諛辟曼姿藻綵施青黃被
燭嘉晝信芬苾祺百祉蕃惠休蹈時宥寧爾羞

練時日

季朗

練時日將玄思鴻惠舄和延來天門開蜚朱光
皇之下紛龍鷄龍翼左虎夾右道朱鳥殿玄武
太微衛句陳驂昭嘉休皇繫安象載景丕巨奭
華曄張芬成奕皇之降風振振漂薌燠集嘉薦

皇妥居將華肅光麗衍流以煜蒸繭匏敷越席
靖宮縣弘亮作皇熙豫穆榮章奏簫籥粲隆明
紛如從宛裔敞蔚瑤佩林以朗昌祁度奉釐承
宣蕩蕩殷洽貞皇肆懌澹奄留激宮清般茂游

短歌

子威

吹笙鼓瑟流連日夕樂何可忘仰天太息解一人
生有命歡當以懌誰能懷憂慮茲無益解二惜惜
德音實獲我心愛而不見徘徊何吟解三山則有
林水則以深我有旨酒願與子斟解四子行何之

豈忘爾思周道逶迤中心遲遲解五東臨扶桑亦
何所將枉用相眷忽在我傍解六皎皎白日迫於
濛汜歲聿其暮心何能已解七匏瓜空長不可抑
揚虛名無實雖美不臧解八汎汎蓬池羔羊素絲
永言烈士受命不移解九

短歌行八解

季朗

綿綿仄阨不可中絕以懷百憂中心如結解一我
思悠悠駕言出遊旨酒雖美不可解憂解二高山
峩峩歲如流波今我不樂日月柰何解三我思一

人在山之陽愛而不見使我憂傷解四雨雪霏霏
北風烈烈天寒草枯南北斷絕解五美門子高雲
中遊遨奉藥一丸松栢後彫解六晨上散關道路
苦艱思念故鄉仰天長歎解七變化須臾駟馬高
車來求長生授我赤書解八

嘉成

子威

億若嘉饗明星有燁昭成於天放載以烈兆承
緯章華祐休始信瑞並出鼎造貞祀泛泛合樂
肆以和姚緝備衆變容列揆昭雲門雷鼓馮曜

明和正及雅音再成雍雍管磬陶匏笙臚所歆
止肸飭生百醴芳旨蔚若灑進聞虞享蓋孔馨
俞塞越溢心攸弁秬曾隱折感微醒熙熙滂洋
流殷庭繁會軒朱羅華平發寫疏切揚休清展
詩嘉昌集崇榮

淮南王 叶一先

子威

淮南王道何顯但坐高殿得神仙小作黃金若
翠翰磴磴甘露下流泉松子白石燦而展燦而
展上建廣里飄颺高臺風以寒蹈節梁甫晞沓

盤超騰萬里過紫宮令我大道還復闡子養非
民安可讚當竟天地永康延並坐麒麟辟邪天
祿紛綸悲吟貽祉翔班璘稽首擁護 明主壽
萬年

王子登

季朗

王子登彈琅璈乘白鸞衣雲綃遊戲紫宮出九
霄出九霄往西海龜臺金母亦何在雙成雲和
奏未畢素波黃塵忽已改王子登長少年金砂
飛作九轉丹服食仙丹飛上天飛上天舞回風

交梨乞得許玉斧修竹笑觀楊景通王子登上
下遊翠葆羽車任遠近遠到八域近蓬丘王子
登上下遊遠到八域近蓬丘

芳樹行 叶五歌

子威

芳樹紛旖旎於風上下何華華旁臨蘭池懷陽
阿芬哉盛殷枝則那含英蕤以吐榮渥澤咸光
嘉澁然雲施時惠和昌化美美沛如河我行不
樂當復柰老爲休若德綽以永詠思無斃忡而
歌四座歡既洽鬲酢言無頗拊綵促節笛簫羅

盤舞姿態陵峩峩需宴逸豫淹以媵穰穰嘉吉
樂有儀夜以繼日未云多爲我謂客且勿遽起
東西馳具爾車馬曳爾衣服及爾年時幸未移
方今

天子明聖左右股肱皆貞良羣吏奉法不詐僞
謂爾勉策爾力翊戴日月軒峩峩

玄雲 叶十蒸

子威

玄雲興河龍升侯嘉德般若蒸揆輝光屹有承
惠集西鬱何隆沛延長慶休靈紛總總施祐貞

天地際誕感精弘耀耀緯冥冥熙清恩和樂終
緒厥世尚所膺奏天則翼馮馮桂何華簫勺成
高賢愉四海正令曼壽康哉寧

鷄鳴

叶十一真

子威

鷄鳴思晨風鳳來巢郊甸念子欲何適方今大
嘉年和歌臨海內設宴過壽宮刻契爲要質用
法不頗偏恩能逮枯骨越來敷大命舍過不在
小四時熙和春碧玉爲軒陛文繡爲茵蔕殿側
有雙麒麟翔舞一何馴作使琴竽瑟鳴聲應九

鈞房中奏楚畢高張變清文樹羽芬而華一一
鴛鴦新昔我嘉兄弟凡得四五人仕爲上執圭
來歸及良辰光輝溢衢路車騎何闐闐鳥生桂
樹上下臨江漢潭旦夕衝風發逝不同覆顛飛
鳥誠何意念我同氣親

翠琅飈歷之章

季朗

綠霞洞人駢紫凰雕羣夾輶飄虛翔金旂瑤瓔
憂青鏘和以璈管搖琳琅騫騫靈禽紛以驤飛
超九瀛逸滄浪沖陵采霄景紅暘澄煙澹溼溼

貞方晨以崇游來扶桑仙羽嘹徹蓀佩瑤朱芙蓉
碧若組影颺下城八域渺茫茫南循絳垠西皓
岡忽忽北折迤玄泱朗景未移環九荒颺輿熠
燁翕煌煌螭麤蛟麟粲踉蹠娥娟瓊娥挾簫簧
乘翳雲母迴紫光手執綠簡丹綃裳迎我昇登
朝昊皇肅承偃伏趨前行浪波涌騰洪瀼瀼弘
豁閭闕丹璵梁金河舊翠燦嘉芳羅宮穆淵謐
崇莊帝御玉几緋瑛牀笏翼洞室翠瓔房燔以
雲琅英蕤香統握機神驅陰陽太尊無極浩洋

洋九稽抑首莫敢興叶音香風淪珙林音瀏銀宛

曳珩牙流宮商賚以青書緯天章鮮連昭舒璣

璇英叶音央今至何所綠霞洞叶音唐恭辭嚴慄峻

惶惶駿馳以出不敢遑綈蓋翻舒紺青芒策我

翺馭下旻蒼白鵠浮游香埃敷旋覽巒雉衡蕪

堂岱輿貞嶠金塵湧芬萁藻蘭蒙秋霜璘谷曄

璨景難詳暢音響節何所名叶音茫弱波紫燦颺

調篁日以颺歷翠琅章

青君章

子威

青君冠建芙蓉芳左麾十絕黃髮幢白環綴領
振琅琅繡帟毛帔綠章囊驂駕虹霓從風翔落
鳳驅翼綃幃驤霞軫儵欵升浩浩旋騰玄漠眇
未央逍遙紫栖集景房闔臺瓊闕絳波揚金庭
瓊扇寒九芒明真容冕戛琤瑤崔嵬岳靈紆琮
璋道毋錦褊神洋洋太上坐以虛無牀羽童憑
景奉玉箱按抑琳鉞發百祥綜御丹極馳滴淠
巨龍蜿螭儀赤鳳鸞羽昭鮮切雲唱華音宛會
淪煙長北釣流韻纏絲篁飛響激柱鐘琳琅琿

琬理璉乍低昂纖珣迴影瑤碧裳中有小女字
觀香服食日精爛生光綈素虛閑采空颺標煥
隱暉粲流滂緋組焞燐森以行羅侍蕃衛襲穰
穰肆命憬錫祗肅將主領作伯蒞中黃制敕洞
室察陰陽爰乃曲睇鑒下方靈昱相礫婞孽藏
持以昭禁安可忘按錄斗中下良常愆浪息伏
矜餘殃千秋萬歲膺有慶叶俯身八衝散徜徉
按志娛戲綠霞洞叶揚音撫節流翠章

夢游篇

子威

夜分清嘯向河梁夢與海客遊扶桑驚魂栩栩
隨飛揚不覺襟帶風生涼浮雲仰視萬里長明
月忽墮丹霞裳層巔凜慄波瀾瀾赤丘混濛涵
光芒空中或覩山磅礴眴乃幽墨杳未央淵谷
冥昧非所詳虹霓天矯闢霧莊豁以神居儼成
行截業天柱名條陽環澤遠忽聞奇香昭發紫
景落鳳鄉超虛彌步排玉闔絳煙雜襲璇極傍
歛隨歸風越昊荒朱鳥銜火爛煌煌丹燧郁烈
炳赤章飄颻絕地紛逸驥逐景逾光不可望振

蕩迴薄含精英拂翼滂渤極無壤翫乃偉麗不
可名沉流青藕蓮素房洞淵垂橘曜白芳琬琰
之膏湛碧漿紅醽細核結實方靈桃萬歲乃一
嘗瑤輪翠羽羣來翔雕麟駟駕騰渠黃莞薦拂
拭曳琅琅崇真高會鬱流慶廣奏撫節司以驚
東華丈人音溜朗手抉灑元沛泱泱滄滄涼涼
何踳踳傾霄倒海升大明斟玄響析地幽畢彰
靈綵煥溢淪晦昌赤陵燭以輝穆康金華灑濯

心自平

傍叶

紫清翔翼之章 并序

季朗

柱下史劉公藻才標邈鑒寄令上昭抗傑篇掩
躒前指玄挺獨矯明暉自華西梁歸餽飯之方
日毋解胞胎之會韜神練景耽虛味清真算協
於綠筋仙名映於朱格則子翔之作中監文饒
之授上侯漢劉翊字子翔得道爲右理中監劉
寬字文鏡遇青谷先生道成作童初
府師豈足道哉僕之於公義重要期長瑜奪載
於康樂風存識賞顧雍荷采於中郎乃歲丙寅
華齡二千聊賦小篇以當蘄介云爾

颺雲飛青八景前丹梁何所朱珊筵七映紫房
春長延絳林琅實俯蘭淵歆覆停倚芳娟娟輕
颺吹之聲瑤然朱堂桂壁羅冶顏纖衣煙弱飄
姍姍清絲玉指出新彈光艷飛逸驚若鸞中有
紫宮之飛仙嘉娥前捧葉書函英瑤冲艷曳芳
篇章曰紅霄及青君叶眇自蓉宮丹琳天羅陽
之波朗璵泉花漂谷窰蒼蘿間輕香薄綃幕芴
芊簫音麗婉紫帷前漾裔淹蕩生春憐熙采芬
演彤景騫方空晨擘霄霞褰迷迭沾裛縈瑤瓔

煙^叶泊度涼爽縹引延迢邈翠衍香梁前紫芍蕭
 葭澹瀏瀾茜瓊黃莞薦鱗衾^叶蘅蕪飛濺飛琅
 英^叶媽^叶宮春橫曙琨曜妍慶液葍華湘澄泉涵以
 江栢綠清漣青芬浮冶思欲輕^叶結璘穆簡昭
 洞文^叶煩^叶建始元契金樞關餐芳服象得長生^叶
 返嬰少豔永無極^叶雲萊朗標三神山飈令鳥
 輿道羅天八空眇微朱塵紛^叶上下九玄及九
 寰藻章詠之思颺翩方之翡翠翔紫天爾道可
 以億載存^叶

紅霄篇

子威

魏季朗天逸其才風華高秀神賞其韻聲理清
 踈章詠每成構裁必異含孕前規拔新藻贍授
 扶桑之藁笈爰製七言殫隱芝之萼華情輕萬
 寓策景遷遐超玄振味辭非引喻事則誠然况
 生籍標芳於上格則大梁啓其真會金書詮品
 於丹臺則南嶽與其繕述者哉僕想念念辛切委
 懷殷至雖寄通於左宮殆多嬰累憑誠於子悌
 未可庶幾強復相效更自唾點覺魏君之獨有

耳

英人下游翩以戾慶龍浮驥紛被離驂駕雕螭
疑鬢鬢流鈴盪朗振纓綬建以游撓魚鬚靡獲
挺倏聃奮夔貏瓊輜砰隱縻縻瓊瑤瑛曼
鳴琪璿光博落璨星璿崇鮮法服煥英麗粉袿
曾華繚遶之縹縹芬馥惟所宜絳組瓔鳴耀青
璿碧采芴激眩目移影颺丹羽導玉麾糾節先
路秀歲蕤澹忽遺風上下馳周歷象緯窮景陞
嚶溟希遐騰詭暉玄波渤蕩浩若墮高睨寒門

絕九疑靈岳嶭峩鬱晨儀憑煙出入戲清涯俯
御六氣神和熙朝漱水玉擘澤芝夕飴黃露羞
瓊糜穆予更駕策游騏邈以超陵造松期翠曾
沈演相娛嬉琳臺靚遠薄蘭池瑁房蓀壁燁流
姿丹芙玓瓊翡幄施翼侍紛純燦靈姬珧珠覆
耳發光嫉輕虹夭矯淪修眉桂徽飛髻馘差差
流颺韻管復吹箎散宮泛羽沉織絲仙仙暢舞
動幽祗白瑄青瑤集女媠威劔照氣霽不憐微
音直爾命雲師旬始陵天不敢窺前為封落肅

壇壝合符明辰職所司董以烈章嚴律持絕陰
六宮惟統治靈人夙夜罔不祇駿遑甄命焱象
輶利乃寵建

帝曰咨陟爾左禁允在茲秉簡紅霄禴翟禕臨
睨下土悵以悲睠言千載猶土思琳璃琬琰球
瑯辭寄以飛鴻行念之

麗春辭三首

季朗

華房煥煥碧玉文九霞光麗熠景雲綠階葉莖
錯芳芬被被倚倚何紛紛玉紅瑤翠敷錦堂龍

宮之綃豔朱芳三三五五列成行瑟弦簫孔音
洋洋飄曳從風散飛光宛眉冶容輕欲翔奏曲
上下吹溫香修屏柔幙金鳳皇歡樂無極夜未
央

其二

景春香翠飄飄飛閑宮曲館流璇暉冰綃紫文
上下圍綠煙丹霧浮麗姿玉華之芳蔚盈墀縱
橫俯仰若神施裁以紅罽作地衣被以鳳繒作
楹幃金瑤璣珍炫奇輝列布參錯搖絳激蓮廻

顧眺竟神迷冶女婉步吹輕衣執手蕩思翫嘉
時與君結心心莫移笙簧在席爽且悲願得樂
會永遊嬉春風落花易衰秋霜摧顏顏易萎
東流之水不可追既往之日不可回

其三

連延樓閣日向夕盈堂絳炬飛丹燄沉蘭芸芸
鼎華壁和風婉輕情蕩逸月光開雲射綺綃良
夜芳席思迢迢情歡志治連香翹醺以縹綠浮
金濤與君知心誓白河兩心不回輕逝波鸞稠

鳳茵耀緋羅翩翩雙鴻泊流霞景光不留奈君
何

麗春詞三首

子威

芳氣宛宛浮若霞繁光紫蔚燦江涯潏潏平碧
滌紅沙煙榭斂色樹丹華玲瓏藻井紛倒茄薄
落雕雲刻作蝸椒蘭不愜意豪奢長楊西道連
俠邪玉姿瑤質競修姱妍紅婉黛艷新花鷓鴣
鳴絃管縷牙臨池奏曲雜妖哇流留日夕心自
遐

其二

翩翩芳翠飛華鮮
璧帶錯落綴連錢
迢遙觀闕出雲間
上下紫庭戲彩鴛
苔石青熒漱朱泉
陸離彤飾瑩珪璿
澹蕩風日嘉韶年
羣游籍孺和韓媽
金羈逐彈不暫閑
媚服輕體爭踰躑
斜紅遠臉生微恂
蛺蝶眇臨衣香前
流鶯欲度歌管先
艷語自驚蘭杜荃
雙徽未舉愁珠鈿
含睇生輝照綠鉛
顧步逐節勢仙仙
玉幃清夜奉周旋
情疑意溢嬌可憐

其三

蕤英繁會氛妍和
霏霏紅霧遠凌波
徘徊蕩思逐情多
傾霄溢翠鬱峩峩
夭桃舒光映丹蛾
體迅驚燕垂纖羅
飄翩短舞薦陽阿
中曲轉盼顏微醺
流韻泠泠切金珂
温香柔嫚吹弱荷
飛緒縱橫前緩歌
與君吐心誓山河
年殫柰此恩隱何

朱夏辭

季朗

續堂紅曜灼陽曦
四壁華敞輕風披
芙蓉舒光

燭芳池紫采燁燁映綠漪
菴榮參差雜丹瑰和
香爽肌上下飛雕瓊作沼
玉作墀繁陰蔚茂若
彩帷交翠倚丹何菲菲
綃檔縠裊飄若絲豔娥
絕塵善娛嬉婉音逸態
輕洛妃瑤牀象簾枕文
犀歌舞息偃惟所宜
百年與君承燕私朱實金
醪酌瑠璃嘉鮮紺駝味
如飴麗柱激管神情馳
耽玩景光淹以遲明世
始昌延萬禧

朱夏詞

子威

穹崇璇閣洞朱暉
檝櫺捷獵景燧飛
新颺清颺

蕩輕靡氤氳濯渭奇香披素綠
璫錯爛青墀交
煙積萼緒相依蔚若霞
火垂露晞瓊玖祁烈炳
丹夷流瀾艷奕沃炎曦
離離扶榴映紅肌紫焰
逸采發娥池濯影灼燦
耀疑脂桃笙蕭爽冰縠
施媠嬛逞體生妖姿豐
纖合度適所宜爭妍善
眩憐自私繁陽沸空拂
管絲惱音悅易促柱移
壁璫珠月璨綃帷因風
弛珮奉更衣芬馨綺靡
奏徵詞明歡婉愛及斯
時

春遊樂辭三首

季朗

丹英紫耀春芳羅萸岡靡谷陽景和標峯雲構
結靈華修塗蛻蜒散紅沙翠翼飛憶昭麗霞婷
嫋妖艷橫綠蛾新采逸發若朱荷輕香泛溢宛
情多游衍不惜倡妍歌

其二

游香澹變浮思縈燕衣婉間從颺輕澗石綠翠
雜紅青華葉交蔭交道生啁晰禽鳥紛飛迎粲
若漂沈絕流塵神思颺颺逐蘭薰飛壁千尺曜
白雲何用入市可尋真翩飄玄鶴驂紫輪

其三

春陽飛空一何疾十年紅顏變芳色華悵阻江
天復集乘春冶遊樂朝夕顧景淹玩長歌翠微
裾留光君莫惜歌媚舞去欲假適今牽多寓跡
駢澤日望月華照東行奉君之歆分無沙

春暮館三首

子威

楊柳踈地枝搓挪朱煙繚繞挂樹檢淮融腰眇
羣芳羅嘉春感人情諧和璇珠瓊林紛相過赤
玉纈粟發艷娥容儀稿坐久不多雲精輝映被

鬢旋春空逝激影戔戔煒煌燭明照鸚螺趨步
明璫珮玉歌清聲向亦遶斜波

其二

華表颼颼流煙輕隨波容與蕩浮情澹漱遺光
燁春英婉孌緯緒綵絲縈餘香飄揚秀盈盈珊
瑚瑱刻九鳳文青琴含笑命少君鳴瑤動翠御
珠輪欬若游電逝驚雲彤彤洩洩何沄沄嫺嫺
超世絕塵氛

其三

清響蕭寥激靈羽倏忽行雲乍飛雨迴徨却立
意焉抒繽紛五光映煙嶼初蘭含榮蕙方吐新
萸溢輝析芳杜婧女姣悅戲相蠱春艷淑明麗
三五的礫冰華情獨撫清瑟結調聲流楚淪精
蕩鳧紛屢舞萬歲無極永歡聚

月宵辭新體

季朗

朱桃灼灼猗青春綠楊濯濯發陽春香風澹蕩
時及春女郎明豔三五春妙解歌舞留嘉春玉
堂翠弦鳴綺春弦哀調苦怨三春姮娥不愁天

上春娟娟照我悲傷春筵篔簹傳曲中春霜下
紅袖夜寒春可憐悒悒空度春願將歡樂長千
春明日此時花落春

烏夜啼五首

子威

郎作九微火妾作五采煙持炬不相照空知心
欲然

其二

烏生桂樹間華實那得停風吹五兩去誤作十
日程

其三

烏啣同心草吹入綠雲中隱當共歡佳莫學絮
漫空

其四

聞歡三江口復上巴陵西願得波橫厲倒催船
却來

其五

黃鵠思故鄉中道獨徘徊可憐葳蕤籥巧笑為
誰開

丁督護歌

季朗

阿子好顏容
清春步芳月
昨夢在長安
何意車不發

子夜歌

季朗

聞歡在江陵
西出江陵口
把線不得鍼
相縫竟能否

春思曲

季朗

別意落悽枝
閒懷寫愁葉
緘怨自絮鱗
銜情卷故篋
誤嫁遊俠郎
棄置薄命妾
春縷羅衣襞不

開玉搖寶釵
寒自疊衾將
空半冷鴛鴦
夢逐飄颻折
胡蝶川長不
得渡春花驚
已暮為歎朱
顏不待秋獨
持皓齒終成
妬舞腰倚柱
哀啼粧歌頰
低燈望歸路
魂飛在他鄉
掩袂泣河梁
笛邊聞折柳
琴裏咽求凰
粉心墮鏡紅
已歇芳願消
花弱自傷明
月兩懸思黃
沙孤斷腸飲
馬長城窟結
客少年場每
命湘靈鼓瑤
瑟復聞秦女
卷衣裳故情
搖落空流水
哀鴻單宿湘
蒲裏始從木
末送芙蓉又
見溪旁候桃
李桃李映人
清芙蓉

蓉摘未成青松委蘿壑白露掩蕪城蕪城一去
三千里蘿壑秋寒殊未已盤龍寶鏡網蜘蛛孔
雀金屏隔羅綺金屏寶鏡不可期孔雀盤龍有
所思迢迢關河吹暮雪蕭條庭戶起涼颼漢主
臺前花似繡隋家堤畔柳如絲已遣輕車迎日
逐更驅梟騎斬屠耆李廣軍中無部伍昭君馬
上作閼氏年年邊徼休乘障處處饒歌聽凱辭
但使金微長息戰與君朝夕共鋪糜

烏棲曲四首

李朗

丹帷翠管芳調新紫牀象枕香霧春待君不來
月華落可憐朱燈映蘭閣

其二

瑪瑙作筵紅玉壁翡翠爲裙黃金席明河夜半
入雕梁空有蘇合鳳裾香

其三

新姿艷華芙蓉芳妙態游漾明月光年時三五
容正麗不惜春芳兩迢遞

其四

星河在天瑤房夕茱萸結裳香艷逸游雲飄忽
不復留蘭衾夜寒空自愁

琴歌二首

子威

池絲韻風簫秋竹泛寒煙持許遙相憶單情妻
夜絃

其二

雲吹引雕華聲塵結礪霞願君心自艷莫採蕙
蘭花

殿前曲四首

子威

風轉銅烏漏下遲中嚴奏罷欲多時祥雲細
收宮扇瑞鳳啣書集玉墀

其二

玉葉冠涼七寶臺空同仙仗過蓬萊九門月色
渾如水一派簫韶海上來

其三

城色兼霞散曉風侍衣香冷百花中子侯最是
先承寵受謁從容未肯通

其四

四姓朝來欲拜封，幸緣肺腑賜恩濃。爐煙盡引朝儀入，尺五天邊是九重。

廣西王總兵凱歌四首

季朗

五嶺烽來片月孤，總戎清夜下魚符。獨將一騎揮雲鳥，千里蠻煙忽似無。

其二

千騎雲中下五谿，龍蔥椰葉暗山梯。歸來繫得名王頸，盡送春風入鼓鼙。

其三

聞道將軍自擁戈，朝來殺氣暗牂牁。若將銅柱題新字，還似當年馬伏波。

其四

千里風飛白羽箭，三軍血濺綠沉槍。夷酋莫道哥舒翰，今日將軍是姓王。

昭臺怨四首

季朗

翠袖辭金殿，青苔閉紫宮。香寒羅帳曉，春歇玉階空。艷態消花上，悲情落管中。君王恩未薄，妾夢向來同。

其二

寶瑟紅塵斷
冰綃空露涼
君情歸別院
妾夢在昭陽
明月懸愁白
春花結恨長
忽驚雙燕子
渾似趙家粧

其三

琴掩求凰調
峯迷行雨臺
三春碧草合
何日翠宮開
長信教歌舞
披香薦酒杯
不知花落盡
獨與月徘徊

其四

別館芙蓉暗
閒房翡翠寒
漏催千夜盡
宮鎖一春殘
芳歲驚流水
容華泣楚蘭
誰憐愁坐意
新月在樓端

昭臺怨

子威

妾意憐芳樹
君恩疎桂宮
夢迴清瑟斷
燕去畫梁空
慢臉羞鉛翠
嚙娥減黛紅
瑣闈花半落
盡日閉春風

其二

蘭殿夜飛霜
金閨漏水長
暗傷瑤草色
似妬玉

顏芳早鴈將離緒悲絃度院涼君王何處所環
珮忽驚香

其三

玉輿行幸絕朱陛暗青苔不分恩成故猶持寵
自猜薄寒生碧霧流葉下丹臺唾井終捐棄清
塵豈重回

其四

霏微羅薦曉隱約輓轡寒掩袂迴阿錫垂鬢落
翠翰非無心似倚空有淚汎瀾欲點花間色還

應羞鏡鸞

春閨詞

季朗

笛裏梅花落琴中彩雉飛江南春又到塞北信
猶稀草色閒歌館風光別舞衣夢魂應可度不
逐曉雲歸

擬採蓮曲

子威

採蓮去翠羽江潭曙綠波宛轉迷何處輕荷作
蓋青桂裊單裾掠水鴛鴦飛弱槳凌風未得渡
橫浦縈迴葉又稀葉又稀流浪迴難依還復低

頭念遙路秋風江上恨沾衣恨沾衣歌採蓮結
伴偷來大道邊花開照水分明見但恐華盛不
如前花開復花謝相去得幾許微聞相勞苦共
向花間語節物已如斯關山行未期白蘋尚堪
把芳香將遺誰兩花相並倚怨絕兩心知爲恐
芙蓉朝委露并題芍藥寄天涯相將日欲暮相
望情逾苦忽見東歸鴻鴈驚會道西飛明月妬
明月迢迢清夜閒行雲立盡海西灣木蘭征戍
年年別莫作寒閨夢玉關

紫騮馬

子威

六郡良家子生來作不平柘彈隨鳥落羅衣從
風輕飛鞚浮橋急迴鑣一兔驚自言驕逸甚氣
俠蓋西京

折楊柳歌

子威

男兒一生事行旅天寒走馬漁陽去霜鐘隱隱
生蓮花光采劇於邯鄲女

其二

憎馬高髻不着鞭一身作健不須憐獵得黃麇

蒲類北跡飛却過陰山前

其三

楊柳婆娑沉虜煙胡地生兒即控弦一聲長笛
關山月雙淚鴻前落少年

其四

露葉飄翩兩泉澤含煙度影玉關前下有流水
清見底那得花飛却結蓮

出塞

子威

代門八月草初黃試摩雙弧下太行未暇紛紛

落飛鳥一麾擒得鹿蠡王

其二

懸門初啓驥驄驕轉戰方酣海月搖射取妖芒
光墮地千層殺氣一時消

其三

長鈺直箠海雲高風捲金河雪色濤馳突陣前
如俊鶻騰身馬上搏飛猱

甘泉歌

子威

鏘鏘鳴玉入微風翠駕春祠太乙宮上雍日廻

朱鷺作睿情皇澤萬方同

其二

聖主登壇禮百神春秋朝請籍四夷賓回中敷
道休烽疾甘露朝來濕御塵

青樓怨

子威

香隱雕櫳月入窓梨花春夢在三江別離空解
慇懃寄碧玉箱簾事事雙

關山月

子威

昨夜關山月皎然見毫髮芙蓉木末初欲能金

井雕華坐來歌可惜清輝不借人曉憐箏柱網
流塵吹散煙絲作輕雪落花一夕滿江津江津
擊楫重傷神傳道上書西入秦離鴈雙迴沙塞
影蘿衣空度故園春伊惜攀龍少年日英風連
延意何溢帝傍王女笑未畢砰訇雷霆下威
疾灑潤香冥排蕩滴漂取南山洞滢汨天關九
閨不敢叱跪而拾謁還自失爲起昧將下狂生
寬博衣裳觀者傾殿前落鬼談笑清頓覺奇氣
飛縱橫亡如慎忭嘲公卿豈恤騫污騰謗聲時

名側目業已成生也解媠還相輕與世忽若雲
無情掉頭不顧恩平里揖客東風吹馬耳自矜
口吻煙霞流高臥北窓泉石裏淥潭激激瀉松
水青天不受纖埃滓睚眦流滄下沾臆把酒相
看失顏色一觴一詠寄千古輟劍放書重大息
燕霜薄擊秋草摧鴈風不發河嶽墮筆搖海色
空崔嵬盡驅魚龍入炎煨奮欲騰攫繫九垓未
能投足無嫌猜俯擲萬事如二孩我夢因之渡
江水思君慟哭黃金臺叩閤以額誰所咤一言

悟意何爲來雷雨作解天地開報恩但指寸心
是浩蕩陽和安可裁





國家圖書館
卷一

比玉集卷二

五言古詩

贈魏氏

子威

在昔邁往姿自顧多所遺周慮不遑夕良友爲
我規切磋良不翅願乃親更之偏輪不俱安大
隧誰當馳眷彼川路長上下與子隨子行捨此
去愴愴使心悲

其二

江海一何謐川谷重逶迤驅車不畢軌念子欲

何之衆駕且未息策足及良時涓涓長予佩隨
風飄陸離一往必萬里歸雲無止期

其三

無期不足哀離別感予思行行何所造乃在天
一涯別亦不復返去亦不復疑樅松千餘仞上
無葉與枝焦原不遺趾絕勇將可爲魯連蹈東
海子方王者師出處豈獨否通約固有時貞高
尚不慕達節寧所非

其四

非我獨懷戀往路摧傷人俛仰念疇昔與子猶
一身子飛我乃集忽若風吹塵烈士諒何望千
載俱未申緇素誰當辨讒巧日以新鴟目當輓
張狐狸嫉鳳麟彫飾亦已僭丹采安足陳辛茲
璠璣美能無中自親

其五

親愛悵離居淹薄不須更遠望迴飈集飛鳥爲
踟躕樽酒不能御泣下反無餘念昔從時烈感
歎令人劬匹夫建功祚胤嗣流丹書空文復何

益時俗賤爲儒慷慨擊長劍酣歌攬子祛長當
從此逝安事養聲譽神鷲失其勢翻與燕雀俱
一舉扶羅網無爲傷路衢

其六

衢路重皇皇流潦縱復橫縱橫將改錯我思浩
無疆游遨造天阻仰視浮雲長翩翩厲羽翰志
意俱遠揚望慕苟未遂清詩累篇章太公年五
十賣食棘津傍倏起佐皇業豈獨時運昌月出
照丹水萬里鬱蒼蒼我歌君且舞誰能不盡觴

中夜寒風發徘徊析我腸

其七

腸絕空復爲邂逅誰相借快茲千里材焉能齊
十駕寢興旣難忘我日又不暇芳草欲爾貽繁
華歲將謝汀芷一何辛江蘅亦行化時方棄杞
梓亟欲杖都蔗傷哉奏郢中虛爾談稷下投翰
共慨然吾將起長夜

荅劉公七首效子建

季朗

驅車遠行邁相送此城隅浮雲出太清丹華蔽

川途念當與子別終宴不須更思愛日以深聊
此清夜娛感戀未畢景歲月忽以徂扶桑激東
曜江介嚴霜塗願子幸自愛太息此離居

其二

離居何所之整轡歸舊鄉曜靈赴春華飛鳥薄
川梁豈不念疇昔感惻中自傷徘徊出東門我
馬亦傷徨迴飈當車發倏忽凌朱光離思安所
極反顧悲昊蒼庶以展嬾婉憂來自無方西弦
發趙瑟東曲出齊倡慷慨仰天歎涕下沾我裳

流暉麗丹景白露縱以橫

其三

縱橫情中絕游目陌與阡盛時不可追奄忽彫
秋蘭百年諒斯須安用苦形顏顧望懷感傷聊
以媮自閒亮無璠璣質銜此和氏言人皆棄敝
帚君子義獨敦朝霞冒城闕飛鳥翔其間洪波
浩無際流焱揚青雲時俗嫉蛾眉黃金重如山
委寶擲中道按劍若有愆思假凌風翼攝足不
能前自以保貞素寧欲慕遐騫容華謝馳景感

此秋露繁逝與王喬遊離別乃哀歎

其四

哀歎未中路圓景疾飛翼妍芳未離條霜雪忽
以集君子亮天載小人樂自植蓬生本無根飄
風任南北南北亦何定浮焱蕩無息游魚戲清
池翔鳥厲絕域萬物隨時化驅馳竟安極中夜
逮明發憂思重反側

其五

反側不能寐貧賤亦何營裋褐有餘燠何必希

遠征蘭采被修薄翩翩鬱華英結念同所好中
懷夙相傾君子麗芳藻千載延令名夕宿廣殿
廬清風自飄纓皇皇帝城闕浮暉赴軒楹驅馬
入伊洛趙李相逢迎廻車過閶闔將騁萬里行
別離謝親宴日月良以更道遠慕儔匹贈我瓊
華瓔興言自新綺悽惻我中情

其六

中情在親交歡會不可期賓誦驪駒駕主歌客
無歸君爲山中石我爲陌上枝相去亦不遠山

川忽間之飛觀，擘雲表五岳造天階。流景不能
俟，奄忽焱西馳。逝將謁東父，不復中顧私。長者
重嘉義，迴薄自逶迤。沉吟以自愧，聊用謝所知。

其七

所知良不易，時俗非我儔。眷彼朱絲弦，庶以寫
離憂。川原何寂莫，白日下西流。徘徊望東路，光
景不可留。總轡出長道，乘蹻遠行遊。金石諒可
敝，何用喻綢繆。心交無遠近，四海若方舟。朝露
不待夕，虛名安所求。置酒尚宴會，蘭燈皎緹韞。

翡翠翔雙羽，鴛鴦戲中洲。攬景意飄颻，凌雲俯
九州。江蘅樹貞幹，嚴霜不能彫。春華雖以榮，君
子安足由。託義兩不疑，撫心豈所尤。願君策弘
業，延年樂千秋。

讀真誥作

季朗

靈雲煥八朗，飛颺濯三華。象玄步飄落，澄冥抗
蔚霞。洞豁無始音，玉暉淡霄阿。晨樞轡丹構，虛
擲火鈴符。七氣扇綠輶，羽帔造紫塗。挺策妙玄
感，超邈控微遐。仰挹太素精，俯絕朱琅河。映明

高
清
上
結
霧
絡
神
和
滅
景
入
絳
極
乘
煙
眇
嗟
峨
蕭
駕
託
空
鏡
青
檢
飛
蘭
波
縈
宮
命
高
唱
三
燭
靈
津
羅
揚
藻
朱
瓊
房
獨
往
觀
太
無
浮
瀾
味
恬
標
寥
筌
拔
穢
邪
紫
元
執
丹
笈
內
有
隱
龍
牙
熙
真
外
蒙
矯
廣
景
沖
陽
多
淵
穎
憇
霄
顛
上
真
掇
黃
葩
翔
舉
迴
錦
旂
宴
息
儻
風
車
金
裙
總
舊
粲
鼓
璈
道
母
家
瑤
蘊
攝
暢
理
栖
遊
翠
暉
嘉
清
宮
躡
貞
寂
解
軫
寥
天
都

同魏氏讀真誥叶十一尤

子威

鬱
霞
煥
東
啓
眇
目
景
何
聊
八
烝
儼
以
閉
寒
門
眇
遷
流
差
我
挺
嘉
靈
蔚
華
翳
澄
幽
綠
曦
炳
遐
裔
重
空
肅
不
謬
俯
瞰
邃
延
邈
洞
臺
紛
相
繚
絕
煙
興
西
雲
凜
此
塵
外
鑣
英
玄
迴
薄
晏
翔
翔
藻
熙
颺
擲
光
三
房
外
沖
朗
寓
形
蕭
圖
符
闕
闕
要
高
羅
造
堦
修
博
落
隱
書
建
齊
理
際
盤
游
清
吟
托
虛
刃
含
明
傾
華
右
滅
慧
乃
有
有
習
念
胡
可

觀七元中有赤素濤秀質耀琳映嬰牙鏡自求
朱扇交晨蓋紫童下夷猶嚴駕且未發陵宮檢
須擘

寄元美兄弟

子威

驚思待所欽悠悠望沉羽高寒鬱以流空情屢
將赴風嶼鏡霄暉霜巘凌江霧薄別怨鈇華獨
立傷明嫿迅瀾知不迴馳光絕如雨徘徊萬里
陰婉變千金顧願言當復何傾首寄遙路

其二

傾陽弭東轡淒序晏西華景厲氣茲寂年促
能遐繁霜下驚管空吹怨疑笳蕭遠自林灌明
滅互泉花長浦映煙接巖坻流風加離軫薄沉
照水潮振寒沙淹思紛已積參差行未涯興文
悵延寫撫玩重咨嗟

其三

總駕厲陰海浮籥駐空谷紆情將何如偃息務
所欲升裾誰能弼逸代自爲曲流雪照金英飛
霞麗丹牖城闕慘多哀山川夢興矚空度蘭月

輝坐消池塘綠踈酌非遣痾高張變前躅雲瀛
一以輕風寓何太局明賞且未諧遲違此深聶

其四

流薄感嬰孺慷慨逼驚節思隨宵露傾望逐風
霞結淒卉標時芳空藹冠踈樾依微曾巒染恂
况危睇折桂艷寒更鮮冰采皓方潔文翼集遠
條廣場見遺埽早輕聲利浮晚愛詞賦譎臨路
不相求逝波豈難絕引滿當能持屏紛庶云闕
清曠事遐騁駘蕩戒羣蝶送目白雲飛懷哉尚

如悵

寄王青州兄弟四首同劉梁州作 季朗

紅林颺欲舉青川水方驚結念佇佳人
搴芳寫
棕素緒雲薄渚流驚鳧絕煙度神賞筌在冥機
玄映將赴和壁曜兩暉鮫璣泛雙媿宵管投寸
心秋華迅泫露衾帷夕不施惟以君子故

其二

河梁結遙緒西苑遲名華丹蕪湛虹水清暉
晷
霄霞含景僚夕鴈留露待晨花青甸改玄律嚴

上玉集卷二
九
飈散朱蘿瞻時眇淹積勞睥怨長遐搖楫下川
水吐潁橫山阿流曜無緩翼浮瀾有迅波馳思
在逸響接袂乃悲歌

其三

蕭噦飛翠流輕霜襲朱木霄觀思方沉寒川意
俱逐悽情落泛絃離慕入橫竹風瀑鏡丹梁霜
英滅青谷金河低曙華壁月亂宵燭鷓鳥或求
友行雲亦待族嘉會邈難期昭景不易續撫躬
慚哲才推賢謝名淑傾赴搖中懷淹繹阻芳矚

蘭薄已紆衍椒芬復回復銜意伏下塵晞流式
良玉高眇八宇隘遐覲千載促義御坐相催企
念山之曲

其四

玄條變末垂驚霜迅流節煙海曠清儀雲棲緬
芳烈含潁待君賞飛情吐心結繁曜依望舒衆
軌赴皇轍貞松續香杜幽蘭寄白雪緒冬綠芬
弭迫暮朱絲絕夙傾楚藻美幸邁梁園契庶以
奉嘉徽昭塗良自悅

離薺園詩

季朗

驅車出東門采彼江上蘭佳人在遠道阿閣浮
雲端杜蘅結綺疏芳芷盈中園薺菜豈不榮要
非心所歎翩翩雙飛鳳文采發華鮮振翼東南
翔適志固所安橫絕亘四海嚴飈折其翰客從
西方來聞之乃哀歎慷慨挾鳴琴爲我再三彈
中曲更悽傷怨彼道路難奄忽百年內孰爲愚
與賢榮名等蔓草去去不足道毋爲自苦辛憂
傷令人老

離薺園詩

子威

噦彼兩鳳凰高翔戲雲涯一舉絕四海衆鳥焉
得隨相望萬里間羽翼何參差返顧傷遠道中
心愴以悲鷦鷯固有適尋丈會有宜奄忽數千
載倏如浮雲馳荃蕙有時化况乃葦與薺東風
動地起中園發華滋遨遊蕩情志俯仰以自怡
從流昔所耻芳馨諒能祗羗何美專佞雖貴非
所希携手清川曲爲樂及良時嚴霜行已卽榮
名安可爲

重贈魏氏

子威

脂車夙言駕招搖遠行游惟予心有慕涕泗不
得留仰視雙飛鴻相與戲道周矯翰忽高戾溲
溲安所求專意結無極一舉隘九州局此亦淹
久飄忽若雲浮還顧望舊鄉懷居非我儔

其二

我友逝安適誅蕩天門開嘉運邁皇始體貳必
良才神飈暢華轂休閑亦遐哉逍遙文昌殿游
宴氷井臺中天抗殊麗廻睇絕飛埃不見故里

閭但覩浮雲哀鳴笳發清夜金商更徘徊整
薊城門中心愴以摧江介何寂寞淹彼蒿與萊
念我同携手千里空崔嵬

其三

崔嵬亦何極恨恨不能言春華漸銷落飛焱激
櫺軒廣庭日以暮琴瑟靜自閒雅變遞代興我
思鬱未宣寤念終長夜悲嘯結音顏常羊心微
感誰能義不愆百末和旨酒芳馨折朝蘭斟酌
不能醉何以寫憂嘆覽察此世間吐氣高入雲

引分空所寄宿昔良共敦辟斯神龍翔發軔由
在淵豈以尊選貴奄忽忘賤貧子其竟斯志我
乃歸中田相去雖以遠私愛尚拳拳

其四

拳拳未爲薄哀鳴自相索齊飛戲隅間子乃願
阿閣游雲出太清微聊窮寥廓呼吸萬里餘容
裔安可度亟蒙解達顧俛首不能酢嘉爵足自
娛縻爾在陰鶴爲念同本根枝附亦云博離析
豈所尤庶幾貴然諾

其五

然諾亦以立于役感斯征熿光蘊常道盛烈况
昭清處者保貞素行者垂令名迢迢雲中路四
顧寒無聲椅桐蔚澄映巖阿散餘明巖莖皓方
濯浮氣盡成形臨河歎修濟驛馬宿東亭驚森
忽中厲接我出浩溟離思不可抑撫節何當行
激事爰已賦百鳥相和鳴攬衣起遠望江漢天
爲城幸逢執珪貴當軫越人情

其六

人情諒何遠，徊徨懷所選。舉翅不得飛，捨地車輪轉。閑居非我意，質累安能變。僞祿與子期，又不處江甸。欲從井公塞，誰其宿廬殿。紛綸徒爾爲，浮世若游電。踴躍何自強，攀雲獨流眄。追舉行未期，願得遙相見。之子揚華芬，超然去宇縣。六翮悵悠悠，因風發深眷。

其七

眷言胡乃長，婉孌在斯夕。逢君見光儀，衆鳥豈予匹。嗷嗷原野間，風雨行未息。爲云中自諧，何

意坐相失，棄置不復憐。貴尚兩無逆，出門各異趨。安得同所適，徑寸照乘珠。熠燿連城壁，垂輝俟千載。千載諒何爽，時俗信輕狡。綺靡任流辟，奚必怨子春。徒用懷燕石，寶劍揮長虹。光采暗相射，臨路慷慨言。慇懃薦瑤席，欲展清商詩。我思良未獲，雲興首陽山。朝霖溢川澤，惜哉河無舟。送茲遠行客，幸承邂逅歡。願子惠疇昔。

重答劉公七首

季朗

貞曜無修景，容華漸以彫。飛飛雙黃鵠，來下雲

中遊栖宿念儔匹鳴聲自相求我行思舊鄉感
此日月流朝宴高堂上親昵坐參差玉醴盈華
觴金笙雜名謳浮暉赴急節仰歎不能翦僕夫
忽已駕川谷自蕭條銜思無終極懷此千載憂
願因晨風翰翱翔凌九州

其二

九州一何隘顧眄浮雲馳南尋赤松訣西登王
母臺太霞何寥廓日月共徘徊朱華翳丹蓋綠
英曜陽曦騁駕迴五岳翻翼臨天池遨遊閭闔

殿飛步太元墀紅蜺結修帶紫葉為霄衣一舉
橫四海奄忽翔太儀食我萬年藥佩我千齡芝
昌明夾雙闕飛廉奉華辮皇佐不可攀潛暉蹈
希微君子弘體貳乘運翼昌時嘉聞流千秋高
義不可幾浮沉各以異良會當何期義和迅流
心怨彼扶桑枝投翰悽以惻中心自遲遲

其三

遲遲未終夕涕泗乃流連嚴霜宿修榦白露淒
以寒陽暉曜丹極華林盡芳妍日月不停轂奮

上集卷三
三
翻飛青天良非等松喬安能希少年朝登日觀
峯暮入嵩高顛紆纒探玉策服食存雲英上朝
軒皇氏與我鍊石篇紫簡芬朱霞羽蓋浮青煙
鳴弦發清徵聊復寄所宜亮茲同心美譬彼朝
露蘭結根亦何遠庶用寫憂歎

其四

憂歎良未已秋河浩中夕顧無橫空羽焉念登
阿閣流雲自歸山清川亦趨澤士志各有經匪
以慕榮渥幸蒙達士顧所貴葵與藿結軌返舊

疆眷焉思往昔肅肅雙鴻翔奄忽中路拆恩義
苟不渝爲情亮非薄千里不唾井况茲主與客
神魚飛九霞應龍乘雲躍運會不可期遊遨安
所託哀曲未終奏驚風被寥廓

其五

寥廓亦何極驅馬向青城白鹿遊其下鶯鷲翔
其顛玉女進瓊葉靈娥采瑤英巖洞蔚昭朗我
閣浮泰清長跼乞紫丸授以縹玉文東駕蒼芝
虬北乘玄首鯨南睇丹毳鳥西挹素華莖呼噲

太始氣咽嗽日月精徘徊巨宇宙舞翼焱遐征
三旌雖以貴要分非所營

其六

所營自無方聊用謝華觀蕭枳登瓊幃青松委
脩榦洪河達千里惜哉悲日晏飄飄飛黃姿光
采疾奔電長鳴下修坂驤首悲清漢執御寡良
造焉能遺顧眄懷此曠代情千載有餘歎川谷
可行游何必在京甸雲路豈所希我思自回亂
改塗上高山丹霞蔚芻蕘踟蹰不能前念被雙

飛鴈久要亮不虧持以謝親宴

其七

親宴猶在茲迴策望河梁中心自紆結顧望懷
感傷河水浮濁清欲濟道路長展轉不可置歲
月忽以更明月俱照乘和璧同輝光子爲清廟
珍我行返故鄉故鄉千餘里行子踐嚴霜木以
不材壽蘭膏用不明逝言蓬室居寧俟神龍翔
忠信誠可則何必展清商流藻隨風飛我思鬱
中腸嘉會不再逢感此秋蘭芳騁翰未能悉聊

以翫瓊英

贈子循

子威

昔我行東邁時載亦始昌逢君令兄弟翹首見
輝光昭景旣熙茂羽儀肅瑒瑒蔚若我衆賓並
坐君子堂臨觴奏玉醴妙響纏絲簧清歌勝結
楚流風動蘭芳壯思縱橫起談咲莫能忘極宴
未終夕庭阿覆嚴霜何悟牽牛星迢迢路悠長
各言所相思時至不可常

其二

余歸自洛汭薄言遵海濱奄忽歲云謝不知冬
與春坎軻亦何問徒用懷苦辛受命旣沉滯爲
性又不馴回回自多繆激烈安所陳行仁賴明
德必欲懷我身式宴沐清風高言驅垢塵徘徊
登昭曠淹涉遂彌旬恬暢豈余適甚休爲豫新
歸華散苑囿明燈曜綿文攬賞皆綺麗相要在
青雲却視步何劣僂俛愧所親

其三

玄冬淒以厲鮮飈戒陰寒引領遙相望纏綿動

憂嘆歡興詎能幾遺思忽已殫流連寄情眇哀
樂自無端振髮亦雲嶠游目乃高翰豁達展中
愴臨風涕洟瀾天路旣云邈日暮重其關壯士
慘不舒喟焉摧心肝千載悵何極奮身良獨難
徊徨謝親宴嗟此寧可安

其四

清霜飄明月驚風薄西山四序安推斥誰能幹
其間丈夫一失意有何可哀歎青蠅易爲玷白
壁諒生患皆皆下流血髮亦上指冠烈心復何

懲哀爾能相完淒露在幽草谷壑慰游盤素波
欲揚沼縈敷競流丹鳴鳥向我悲感之廢操彈
時物日遷變顧此纏萬端所更浩難憶焦勞但
中乾無用敘欸欸揮手遂投翰

閒居二首

季朗

踈竹坐清暢閒雲皎澄陰扶光麗晨棟好鳥鳴
丹林書史幸自娛塵垢寡所侵石函得青簡澹
然遣所歎冥對太始初止水可喻心紛縈俗網
多聊以謝吾襟道家貴知希詎論浮與沉何必

買青山可庶巢由心

其二

客有善我者貽之一尊酒開卷見千載宛與古
人友是時會我心舉杯自爲壽花色照南窓明
月在北牖縹緲煙霧中澄景自可取寄謝悠悠
者紛綸竟何有

送師赴安吉二首

季朗

三載奉明德恩義故不疑所欣得伊邇忽忽從
此辭微言竟寂莫何以慰我思 皇恩眷忠信

遠振修路翼致身青雲上風塵一相失悲懷難
具陳幸子安且吉

其二

攬衣步中庭明星出有粲舟楫戒榜人白日忽
已且遠送涉河水遥遥逐飛翰越路一以遠路
長不可反芝蘭豈不榮惜此芳時晚願隨雲中
翼聊以慰繾綣河水自悠悠我行不可留明德
難自親道路阻且修願言保玉體延年樂千秋

幼于讀書城南

子威

薄解驚夷曠投暇釋羈絡聊傳道遙游緬爾丘
園託蹇霞誰能追窺霧庶云樂言尋矯季笏豈
乘虞卿屨天清淪煙篁風遠被絲籥基堦月陰
瀉薨宇寒輝約延玩抱締素冥賞寄墳索獨晒
發沉幾雙豫間浮謔神至歡有餘辭博理無弱
得意非一途結念乃昭廓休暢信何營觴咏時
復作靈輿旣陽巒蹈舉亦虛郭頽波下孤景開
林淨如削相去雖伊邇懷勞安能醉

貽張子城南齋中

季朗

開墅歷杪冬棲巖眺崇閣陰霞含暉暉遙月發
宵岬時拆抱遐尚矯志鶩緬邈塞林輸榛荆激
澗濯蘭蕙忘矣似子淵喀焉像南郭風水渙菁
英山天畜典索無心怨飄瓦有力負藏壑識亮
旣冲遠神理亦蕭漠象感非情寄道冥乃超樂
曰余眷嘉跡曠賞豫因託將同采真遊屢枉登
嶠作日暮誦蒹葭鬱陶念彌博

贈章公效傅長虞體

季朗

瑤極泛朱光璇霄麗太清 皇運肇嘉載 帝

闕崇彫纓昭昭東海公燁燁芳蘭聲弘材蔚青
藻貞風茂英塵矯翰贊洪造澄暉映華芬影若
彤墀步邈矣丹閣名翔鸞曜流彩應龍飛紫庭
高蹤眇難企睠顧寔攸殷中懷希石交浮跡庶
所輕縑縑斯以篤恩戀夙復傾傾情當何已歡
會恒與并并志逝不渝素波遊雙鱗遐思曠親
覲我勞鬱難平願言穆昌祉景度翼 天京

贈道華憲使

子威

三垣亦已清熒惑奏太微屏翳一何威雲師避

常曦隆隆盛明世曄曄耀重離吾友揚天業尚
乃經地維發跡自南紀乘軒亦北垂奄司萬里
外轍冕光顏儀方任情耿介眷言薄奮飛伊榮
誠多貺遐邁豈庶幾庶云悅蜚遯何得忘載馳
夷度淹且博高軌邈難希驚鸞翔幽止游鴻戲
蘭坻中心日以企相望緬音徽慷慨良自抑縑
縑聞端闈寵服諒斯簡和衡當可揮登賢由弘
願式慰如渴饑芳馨隨風發逝將與我違遺情
能無慕夙也謝虞鞿屏已觀時造蓬衡遂長歸

潛則未云遠怨乃庶其非行矣慎嘉問延頸待
駉駉

劉園孟夏登樓作呈彭城公 季朗

始夏茂景榮乘晨覽丹閣朱明獻綠華薰颺沈
炎爍翠林入綺錢翔虬戲紅箔深徑夾修卉疏
墀藝青藥軒披蕩雲歸勢迴浮耀灼禽奏接雙
韶池綵韻姬勻葵房苞紫蕤管衣苗文薜雙虹
裊飛梁茜霞煥垂幕蔚耀窺化工熙光欽人作
淵志暢煩勞穆觀麗經度義律已改霜和風宛

猶昨弘葉載嘉運延構振丕鑠矯翼且長霄擢
莖布穹岳迢遰闢後途飾建懋前焯茲余寡微
猷清塵謬依託取履平津筵觀賢薛宣幄園游
良眷斯舒情暫迴薄一諷蕭遠言虛懷亦云樂

孟夏登樓作荅季朗

子威

朱明受初節燠陽暘方灼危眇抗煩懷崇虛迥
疎閣騰鳥欣和翔逝鱗亦浮躍英奕育神梧新
采麗化蕪藥藥襲榮敷翹翹戀枝弱軒藹蕞荷
芬徑瀨澤葵燦熒燁煥綃衣芊蕞被絲幕餘霽

廣雲興簷露高煙約端念蹤玄流澄思淨洛篇
寒營夙有尚保已戒無著懿構載先微早荷謝
前略結踐義既經貽燕憲安酌茂賢啓弘慮敦
章勵景鏘分以私故傾才爲時間作子悌惠憑
好長喻事棲泊韻絕響易臻情申顧非薄機與
幽測神恬遠淡存漠漈瀟望歸墟崖燦隆名岳
言甯子知庶幾高生託

雜詠八首

季朗

山壑

芳景不可駐結騎遊山阿飛流濯日月翠嵐翻
霄霞仙禽歛來往榮條綴新蘿抗歌驚三素驥
首隘八遐靈草伏朱柯神澗蕩綠波白雲出壑
門寒颺散林華疑有谷神容滯淵閔金沙人間
滓穢積終以返吾家

田家

三農歲作苦所欣被甘澤暘雨適其時秋至乃
有獲王章布嘉令執此田與宅是時九月中
我疇茂黍稷婦子旣歡悅相與適阡陌刈禾釀

酒醴聊以供祀職上堂壽父母出門遲嘉客
醉念唐風酣暢以永日

禪林

永遊向清寂乃至化人宮灼燦芙炬朗招搖翠
幢崇層闢結夏淨定極觀神通知妙象渡深負
法龍力雄四相會一智三乘悉歸空遠尋瀉山
傑自得曹溪宗當知不皺在恒河見無窮在家
勝出家靈運故所同

宮觀

紫府肅真闕琅英穆三清昭昭翠鳳翰熠熠素
雲精華景結飛豔藉芻蔚春妍乃知仙靈窟邈
與紅埃分洞房翼朱閣瑤林鮮丹芬太元抗霞
詠華條啓鸞文超步攬皇霄終建玉笈名絳宮
豈遐覲浮游戲崑崙

飲少

長安少年客烈義彌九方父兄侔衛霍外家復
金張貂組煥陸離連翩入建章身當勿驕貴十
五侍中郎華轂紛來集歌鐘羅崇堂廬見輕綺

上三集卷二
五
純斲養厭膏梁報仇歛然飛丹濯芙蓉光信陵
慕英俠翁伯安足方

宮閨

披香翠英晚平原丹幹春玉擘耀紅恩金房度
瑤笙情隨芳華結態逐浮雲行西旦妬妍冶東
家下清塵留仙太夜上縮髮南郡前巧笑蕩人
思薰蘭自飄停歌舞送明月羅帷漾朱芬方知
蓬萊地未及桃花源

園林

名苑廓殊觀逍遙一以眇苗苜翳綠池蕙華映
芳澗飛閣入太霞高臺渺青甸笑萼光濛濛戲
鱗水濺濺綺窓承丹景密林咲文翰境靜羲駕
遲神寧麗輝見會心不在遠爽肌戀浮菑良友
鬱來儀茲焉且遊燕

郊道

翠管發長河浮光朱雲爍方舟溯流上宛見南
山閣春郊自妍芳修苕帶林薄豐蕪被平岸縵
柳蔭重葦萍藻承波漂遊鱗驚影躍洛水婉嘉

妃繡衾悅楚鄂雜香結輕颺飛華度茵幕應接
非所暇遠慚新亭作

冬懷詩

子威

遙心落迅暎強力衰徃算感歎淹及茲歸冬况
窮晏凜凜月色凝瀏瀏風文散川陸轉蕭瑟冰
霞共璀璨長羅焰分宵孤光駿傾旦迎慮萬塗
攢送念平生斷越朝舲退江未得遡其半瀾浪
已隱汀耳目自回換奔流灌英雲凌空逸驚岸
芻蓓驟銷零圃場無遺貫躡步欣停依撰聯緬

踈觀窈窕羃煙閨婉婉冒林冠東椒彌堪寂西
激悵循玩慙懃抱袂言惻怛踐霜惋方同賴陽
旋逝從會稽竄擁志厲薄蹤矯時抗幽讚即事
若已矜雖貴未云慢可使蕭蕭薰易逐溜澗亂
留寒濯修龍曾穹洒清翰綠賞幸自陶達者希
藻煥微君惠垂明白顧有何悞

過開元寺和勉之會禮二佛諷經詩子威
披懷融慧鏡冥軌洞七詮理度音聲外神標義
解前識譯謝淹識越朗貫中玄昔驗超梵品今

悟暢該篇縛纏警三智滅定振十禪感相備一
詰因法測萬指嚴宇道風肆清嶸虛景延恬昧
攝殊趣咨領事弘宣開爾慈施達憫此報業愆
和豫集上錫爲益遂下筵勝鬘穆金界靈筓鼓
惠煙通深邈無屈浮遊信茲鶩

過虎丘遇子約率爾爲戲

子威

撫暇攝蕭丘千里寓游日落日下霜岑凄風爭
卉木清曠自琳宇森沉蔭秋竹將我同懷人透
迤放林谷解講摘蕙詞褰衣振芳冰昭途良以

遺雙玄矜悟獨俯仰閱歲陰塊焉傷局促煙駕
倘可期吾行御芝鹿

集東苑樓作

子威

白雲歛朱圉微風生廣阿高簷翔霄際軒楯凌
山河睽闕渺已積歡此暫來過窮眺遠蕪迹凄
景駛馳波晏原屢迴薄城壑備差我霜氣切紫
莖露華拖寒柯旖旎信牽思芬菲良可喜肅肅
林籟遠蒞蒞泉聲和窺浦指襟帶投鳥傷罽羅
合樽豈云數逐興亦已醜芳賞空所寄弘情終

謂何

春暮集瑞光用魏子韻

子咸

靜晏霽暉暉溫風麗隈隩遵晚命游駕淹情聊
騁目參差散翹英葳蕤快脩陸千霞縹異林衆
響流共谷動香妍袖翩飛芳逸容馥方衢望瀾
迤郊樊淨如沐賞驚徂春謝意狹浮世促伊昔
介江表支慧相與逐化理欽四徒神軒構三竺
寥朗際虛霄曠煇瞰清穆誕華標品殊證機筌
鏡獨明讚希一悟姚章同萬育恬味振逾城肅

已厲沉軸想滅去嶠禽靈疑獻花鹿容與暢空
無發詠蕩繁煥俯欣染已消仰玩象何慙進勸
眇化因和翔玄景煜弘益濟蒸人結侶在明淑

其二

佇轡赤亭期逸志青霞上偃息避人羣逍遙問
天放化級現影深靈堦構煙壯超超薄空冥矯
矯振策杖浮視隘八埏悠然應虛量近與希夷
鄰遠非識所抗冷風灑曲枿縹縹翳相向奇光
洞無滓煙彩艷瑤嶂感降悅神條撫徃悼英匠

游虛恍潛懷舍符任依妄宛轉揮冲氣春宇益
寥亮黜糾謝鴻濛煇煌驚燻閩韻溢形亦清般
遮度高唱一詰離戒途七往足憑伏且以靜自
遺誰言務流蕩

川上作

子威

高裝亂朝澗懷遲驚通區昌風起積陰淹景薄
行艫條然望林首標萼燁幽隅皜艷獨綿渺清
水互含腴遠意飄未歇芳素了自殊澹漱結寒
霧寂歷下煙蕪逕委川屢復氣妍陽始敷靡迤

蕩谷靄飛澤潤凋枯崇香倚軒牖延覽聊可娛

奉訊子循

子威

潛意轉幽邈逾時曠相接涼飈夏深至陽林亦
流曄休已良自多往願庶有協探袖驚玄思乘
流托高攝騁睇江介偏迴睠漲溟狹綺績陵往
代文明盛中葉游翰絕憂端愉玩肆賞浹日暮
作高會負氣一何俠齊謳間坐起趙瑟爲誰挾
感物物華新攄情情愫愜彼美千金子要途分
自躡去去行路難凌天不可涉

奉訊子約

子威

知淺孰云慰誠深寄我友揮想巖阿前緤駕重
玄後寥寥閱若踪兀兀似無偶疇昔同繫絲一
朝翻解綬遠興屬煙霄萬慮盡塵垢曾不恣陵
騁默恐傷靈誘蕭朗寓形踈澄漠含神厚虛房
盤永日境寂樂何有一往韻幽松孤賞濯榮柳
吸引空復爲化領特懸肘旣厲永劫期豈取彭
聃壽翹首望冲音冀得濟枯朽

子約見過

子威

攬衣未及祗有客造門基睽闕共悲嘸携手前
致詞沉幽亮茲在昭世非所希時化委摧折惋
嘆空爾爲昔我游三川聲交紛載馳曾不踰晨
暮邈若天一涯微君惠篤顧徘徊恤其私榮衰
豈不喻勵志以爲期新沐必振纓眄睠愛光儀
出門靡所適凜已終何時高行會絕世但爲壘
俗嗤動曲叩踈越顧能好者誰逝將飲美酒無
爲感予思須臾涼氣發浩蕩陰陽移龜勉但自
力去去行可追

重贈子約

子威

秋風銷庭樹日夜華滋落圓景逝不停馳光亦
云鑠衆星自羅會燦燦何繁若候鳥忽哀鳴流
響飄飛閣所思不可將徙倚欲焉託聊且駕言
遊遊遠造雲壑長峰標中天千仞鬱迴礴容盖
拂丹霞驚焱應潛躍顧念在蓬室而不異幽夔
舉步常自局歷覽誰能博况乃平生懷豈必厭
薇藿徜徉俟知己知己重然諾良田無美歲咎
豈在鳴鑄亮哉和氏珍寧爾有其藟養痾非所

任將無藉寥廓申章庶能竄意厚不爲薄

其二

在昔西京後藹藹羣才趨馳翰此江表高視陵
應徐道遙鄴中作緩帶托後車公子好曲宴歡
至觴無餘王靈固滔蕩照乘皆明珠吳會多士
業時俗喜爲儒連翩盛游集榮名豈今殊夫子
獨耿介騰踰厲天衢游思吐慷慨流藻垂華腴
自惟家文義譬海珍所儲衆賓誰不然爲恩逮
親疎顧微丁生怨良願不克俱盛年亦何待偃

息在城隅興言賦離友中心鬱以紆民生自多
感與子聊所須

擬古詩十九首

子威

其一

歲月浩漫漫別離安可期游子
在萬里于冬寒無衣形影何由接
夙昔夢見之鴻鴈思南翔朔風鳴
北枝氣候亦何早榮華亦已稿行
雲不中返憂思亂如擣君心猶白
日不照我懷抱路長當努力慊慊
向誰道

其二

迢迢清路塵悠悠濁水湜皎皎
令顏色飄飄蕩子妻燭燭明月滿
燦燦羅帷低何爲榮盛時終歲作
孤嫠君身自無定棄置不須啼

其三

西山一何高乃在浮雲端麋鹿游
其下野鳥戲其間磻中多白石磊
磊若可殮水深不沒蹤涉之清且
寒上有孤生栢托根何乃單隨風
落華滋歲暮誠所難不惜霜霰苦
但傷枝葉殘亭亭

數千尺直節良可嘆

其四

高會在今日娛樂良無方齊歌奮奇氣趙瑟瑟
且長况乃飛龍吟六翮何踴躍搏拊入青雲今
德起高唱哀音正繁會涕下沾衣裳生世何所
營奄忽若遺光徘徊思往路三歎不成章善以
才自保無使天年傷

其五

窮賤非可久盛明良可希及子少壯時何不起

奮飛千載不足待浮雲爲我悲眇眇乃成貴引
領何當違雖有明月珠徒用襲重闈齊意同所
惜安得揚光輝王侯盛推轂伏謁會如歸何況
重然諾勿謂知音稀

其六

瑤光行何速時序倏以晚秋草夕茫茫中心不
顧返壺口霜已重馳車太行坂何能身自輕但
爲本圖遠含慮經盛衰王路常蹇蹇終歲滯行
役日晏未遑飯坎壈豈所安懷道不能卷

其七

離離月初生衆星燦以明涼風隨時發槭槭枯
條鳴螻蛄亦何哀翩來集我庭起視千里間但
見玄雲興蕭條思故鄉虎豹正縱橫展轉不能
寐攬衣步前楹浮沉各異域何由薦中誠親愛
不斯須落落如辰星寄命一世間忽若朝露傾
相去常萬里顧影獨煢煢安得携手歸與子相
逢迎

其八

漉池亦云清鷓鴣來何遲禾菽各在野歸飛自
有時與君方燕爾不能若兔絲兔絲結不開君
恩中道移日暮采薜蘿燕悵望隔川陂足弱知路
長安能凌風飛入戶重歎息情至常苦餓君節
信秋霜不及日月輝妾賤若空蠶無忘纏綿時

其九

夜長何所道朝當萬里行欲陳不及辭車馬紛
在庭閣梁肅以厲行者各貪程踟躕未得去誰
肯相爲停杳杳卽長路軒車一何輕况我緣同

氣豈無中顧情拔劍斷車鞞無爲思所縈出門
若異世願子務榮名

其十

弦望窮九秋愁思累良夜明月歷長帷蟋蟀鳴
戶下露濡行復滅宛宛游光謝斗建隨改移四
時亦不暇昔我荆氏壁懷抱連城價徬徨周齊
聞歲饑不能嫁日月猶蔽虧况乃道傍舍良無
金石交虛辭竟誰藉

其十一

迴車出郭門直視阡與陌嚴霜下廣阿四顧事
已白往者跡如掃來者勢復隔俛仰勿悲傷沉
吟動窺鬼富貴前可爲何由自跼踖列坐邯鄲
倡巧笑靚脂澤羅綺甚芳香觀者皆嘖嘖極宴
以自娛絃歌間博奕遷延弛服裳微睇意安適
中曲奏于飛願言高六翮

其十二

鴛鴦巢幕上翩翩命儔匹出入三重皆毛羽何
狝狝奮飛不須吏因風托微質何必萬里餘遠

賴鳳凰食一鳥獨高翔離哉翻自逸還顧望虞
羅藪澤驚已失雖復暮何依不爲人所矐

其十三

晨起登隴首肅肅多悲風黃塵被廣路但覩牛
羊蹤搖搖望車軸遊子如轉蓬昔者辭宛洛今
者向關東爭持天下構定策咸陽宮馳騫原嘗
間自謂一世雄委身即潛寐千載寧有窮丘墳
鬱纍纍此路何相重爲想平生時承曉涕無從

其十四

蒼黃辭故鄉一身事羈旅廩秋忽已盡雪霰况
交雨四顧何茫然臨路獨延佇慷慨振長纓逝
當從此去轅馬踟不鳴爲復得容與其念平生
親相見知何許悠悠隔中州山澤深且阻四時
更相送人事知不處莽莽年歲頽感此向誰語
羽翼重摧傷泣涕悲禾黍采苦喻中懷又不盈
筐筥沉憂欲至曙安能遠遺汝

其十五

高樓臨大道上有愁思女迢迢望星漢因風貫

針縷雨淚流千秋俛首不能舉中粉暗無光竚
立遲綦組但聞草木聲蕭蕭入我宇寤寐在他
方憂來煎肺腑中懷自種種氣結何由敘念與
君歡時亦復得幾許一朝相背飛飄飄竟何所
君行慎起居非類難與伍努力保令軀無事空
謾謾

其十六

依依辰星没起視夜何其東方須臾高出戶還
相睇同袍駕言邁方春以爲期凜冽寒氣至三

歲行未歸夢寢宛與洛累夜與我隨逝肯惠疇
昔眷眷賴恩私念我同支體徙倚言辭悲何爲
未畢夕翻然若長違引領望遙路肅肅閉重帷
磐石自云固結心終不移

其十七

孟夏草木長萬物森以列所遇盡非故中心若
抽裂沉抑獨如此安得隨薛越三五紅顏滋四
五繁華竭客從東方來遺我以佩玦長跪前致
詞區區抱一節綢繆再三嘆千載淚不滅

其十八

門有車馬客遺我尺素書新人良未足故人恒
有餘周流諒非望攬涕傷離居相去悠且長恩
愛兩不殊安得重携手君子惠同車喟獨拊心
歎何爲滯一隅

其十九

江海一爲別哀鳴顧徘徊鳥猶不亂羣我獨悵
焉依行道周直視念子不能飛寄言浮雲馳中
心愴以摧雨雪一何苦建木亦已頽驂駢不相

待信義寧可隳幸未白日暮君胡不懷歸

顧夫人壽章

季朗

高宴明真館停節華雲韶上元夫人至霞駟會
相朝手攜碧柰花頭載飛琅翹映河揖綠暉逸
若栖青飈葉淵掣絳珠矯桂叩琳瑯素虎捧日
旂朱鶴舞鱗綃左接易遷宮右盼墉城樓掇榮
噉紫茸引槃笑丹桃往來閔風中朗羽何飄颻
一氣貫長極童容鬱不彫少女把玉箱控按自
相招覲彼八塵外輕冷復翔超顯心得內觀晨



景揮蕭寥日月下無極希林非所遠妍唱飛太
空千春待逍遙

上三集卷三

三九

比玉集卷三

七言古詩

樂府歌行附

大梁行

子威

君不見在昔七雄構難爭
剪屠大梁東面號雄
都富強沃野亘千里
行旅走集擅中區
諸侯時會三川下
策士由來工狙詐
習事口舌縱橫馳
據圖挈領稱偏霸
霸功南向撫鴻溝
遂通冠帶祠春秋
跨河按劍效疆場
操負三屬麾蒼頭
烈士豈誇頰陰節
盛氣不數夷門俠
少年椎埋自

言捷輕滑相過飛刃接不將身命重交游借人
項領何曾懾相矜縱意無所治共爲倡樂窮娛
嬉但坐王侯宮殿上彈碁六博論高貲屬事閭
巷徒紛紛聲名却藉信陵君衡道再絕折韓秦
立計固有英雄人自從救趙不敢歸况逢四海
煙塵飛齋宮路寢蕩無跡六王丘社同湮夷人
事反覆此路非日月薄蝕精光隳豪華已去異
端盡淒涼何問牛羊爲運去時來不可追悼今
撫往令人悲無言千載沉寒灰幾見草昧屯雲

雷平臺歌舞今安在梁王苑囿俱塵埃爲君感
慨猶生氣惟有河流浩蕩開

壽姊歌

季朗

長風東來渡江水片片梅花落尊裏花香落酒
白如玉舉杯起舞壽吾姊姊昔嫁時我未生姊
今繞膝羅諸甥大兒飄飄欲騫舉小兒滿座紛
承迎丈人安坐弄飛藻兩山翠色來軒楹有兄
結裝欲遠適我今終鮮弟與兄骨肉所存更餘
幾美酒莫惜尊中傾笑我癡頑空濩落學書學

劍皆無成世途險巖盡荆棘安用黃金借顏色
噓枯吹生視繒寶左低右昂候鼻息襴衡裸身
作鼓吏相如犢禪爲下食鳳皇不受羈縲羅冥
鴻詎爲贈絲逼富貴他人重泰山貧賤親知無
往還文章不值半升粟大駟高堂擁珠玉人生
百年復忽忽散髮湘流濯雙足滿樹芳菲不解
看輕紅昔飛但新綠持君酒勸君酌元長敲壁
竟何爲子雲草玄終寂寞舉首大笑無旁人爲
汝胷中置丘壑婚嫁已畢何所營姊今大樂百

事輕可力飲此杯中物何事崎嶇世上名金管
玉簫浩蕩發醉來抵掌何縱橫陽元老大但顛
瞶王湛清狂尚存未世人置我二子間長嘯對
之大意氣直言胷臆恣傲誕任爾譏鋒集如蝟
海上雙雙白鵠來列筵之畔無飛埃長歌祝姊
萬年壽明月如鏡懸高臺

閨人詩

季朗

朱明初入麗且長丹英飛艷羅翠香飄風淒淒
綃袖涼吹卷絲雨濕我裳情人何爲隔津梁山

川阻遠安可忘寄書一札青鴈翔望之雲中夜
未央明河濺濺昭回光篴篥又苦金琳琅清絃
撥作陌上桑爽音繁調悲路長嬌弄不成半悽
鏘漂流宛轉在他鄉行雲行雨落三湘楚宮縣
邈沉水香纖腕颺舉紅鳳翔迴絕輕渺艷綺章
黃金縷縠煙菲芳俯身彈指愁洞房一為河漢
絕兩鄉念君何時延清光江蕪滿庭歇青芳約
腰薄帶束悽傷落花可憐春紅翔啼蘭恨蕙嬌
秋霜淚痕不到君之旁思之閔默斷人腸

秋閨詩

子威

輕商漸寫薄空霄丹香細入羅衣飄金缸乍長
明月遙壁帶錯落映帷綃飛榮婉淒夙以凋思
心繇渺坐自聊君何獨遠鬱迢迢徘徊豐霧翼
游輶妍氣晻曖不盈朝顧步迴芳信難招青熒
玄墀踐赤椒起視河漢明星搖瓊祀無光華翠
消清霜垂發夜何遼延頸欲歌宛轉嬌寡鸞流
楚哀鵠調孤弄逾苦誰所操幽傷悒怨倚洞簫
半欲不成音次滲朱絲纖引意微譙蘄蕪罷綠

上三集卷三
悽惠颺悲彈淪篁恨河橋紛披芙蓉約輕腰風
中泫泫霞雪標不勝惋惻薄媚翹獨繭綸棧悴
金跳姿艷刻損啼冶妖愁紅泣蕙惜蘭條餘光
不返安能僥路傍幸可翔君鑣誓情白日兩相
要

魏氏行

子威

君不見天地並况開九重日月萬古垂冥濛出
地殷殷走雷電遂爾周旋生八風 天子明堂
聽都邑太史陳詩聲中宮自爾文明造區夏

孝皇以來多大雅誰將荆壁誇藍田爭弄驪珠
白日下魏君蕭森納元氣蕩蕩涵迴看洞無際續
紛萬象手可揮獨抱沉情澹溶瀟小復微吟瀉
曾中鯤鵬擊海蛟龍逝逸勢直欲漂崑崙陰風
淒淒起煙篴世人愕立駭且疑時俗焉能覩英
麗緜渺絕睇傷幽靈明鏡衆流窮六藝汗竹以
來無不窺赫蹠慘淡古畫垂辨析秋毫恣恢詭
博落洽聞多秘奇何但總覽宇宙間一字上與
商周刪騷雅亡來已千載荃獨偃寒湘纍還綺

裁婉密構彌廣高翔縣圃雲霓攀邇來濬發特
清快漢女江妃鏘佩鬢驚體陵轢既宏亮妍意
妖矯更麗閑二京三都徒萎薊屈景當之顏亦
孱况乃么麼數子輩魍魅走匿狐狸踰遊戲往
往堪絕倒詰屈支離興來掃珊瑚寶玦已椎碎
暗掣龍淵照江草墮蒼茫杳未收馮馮氣與
秋空皓金支秀華燁流藻新艷每出蓬萊島色
奪明月桂樹愁氣陵蒼昊迴天造焜煌萬變古
所該末代綺靡不足道下開吳淮誰復雄千里

一蹶吾已老寄言燕郢浮雲傾曼音長哀金石
驚絕調孤揚向何所落葉寂寞輕塵生雖其鷲
鷲未云遠此豈有意相和鳴空懷佳人悵獨立
還顧離筵羞短翮安能共爾翻天池時自浪浪
恨沾臆

浩歌行答劉大夫

季朗

大河東翻岱山立驚雲搖空日華濕天地劃然
爲中開翛然獨立凌風臺下見人世皆培塿四
海瓊瑣成孟杯散髮沐之晞朝日鯁鵬背翼何

三才卷三
九
眇哉劉夫子人中龍指尖飛出雙芙蓉芙蓉生
花吹北斗支祈大帝風伯走仰天長嘯山欲動
江水酌之以爲酒箕踞坐胡牀乞紙三萬幅波
濤忽從脣吻流側理盡見蛟龍逐蕭蕭筆作霹
靂飛往往文成鬼神哭朝攀扶桑條暮濯濛汜
流黃金闕下召欲拜姓名一日徧九州二十爲
舍人珥管立帝側嘲哂諸貴豪左右皆匍匐
長飈颯颯吐滿空茵茵千層落華色身披繡衣
爲使者行行且止避驄馬霜集搏擗橫秋霄商

絃叩彈振屋瓦咄咄怪事何忌才出之南越生
黃埃騎馬翩然入伊洛梁王宮城安在哉柄權
操弄盡辟易沙磧低昂波蕩射第五之名豈驃
騎阿奴火攻出下策邈來雄思流苦川陽城下
蔡迷嫣然叫呼五岳破蒼色鞭笞萬象凌青煙
日暮琴哀七絃折天寒歌入朱簫裂碧岫三春
生采芝陰崖六月吹紅雪虬螭千羣鬪奇詭石
壁萬丈爭巖嶮上羅羲畫下正始須彌之山藏
芥子古圖舊帙高拂天吞若雲夢八九爾未誇

安世解補亡頓薄王克能閱市書生白首不能
讀何爲矯捷類如此君不見崑崙之水灌尾間
河伯自謂多溝渠兩涯之間惑牛馬海若望之
焉所如世人不辨作彥道僅有平子能絕倒我
非臧洪空爾爲叱咤萬古風雲馳無鹽三逐耻
自售漆室再歎令人悲屠羊返肆却旌位莊生
抱節辭牲犧我獨何爲碌碌者促武猶逐屠沽
兒黃金如山名可買甯戚飯牛知者誰劉公劉
公才太奇長歌贈我光陸離于將莫邪雙噴薄

虹霓倒向東南披綠苔滅沒古鐘鼎明月窈窕
新花枝兩丸繞身驚電掣七盤颭地輕雲歆壯
哉劉公何太奇我才殊不爾覽之有作色媧皇
煉石大有神共工觸山是何力鑿開混沌填巨
海刻斲棘猴駕蚊翼我非數子安能奇螽斯豈
是鳳皇食男兒生不能學蔡澤西謁秦坐握金
印垂千春又不能學長羅侯手提大戟斫左賢
捫壁伐石旌燕然突梯脂韋亦何有曲跽擎拳
更能否登徒疥痔且自愛王嬙後宮最老醜咄

上三集卷三
哉朱瑟勿復彈聽我浩歌行路難芳蕙沾霜沒
秋草魚目對珠衿異寶方朔何恐侏儒爲德操
惟言衆人好我有縹青桑落之美酒白玉昭華
之清管酌復酌兮酌且深吹復吹兮吹且緩妙
巧排空片雲落與君清尊但滿酌於陵仲子亦
灌園北平將軍笑落鬼古來萬事悉芻狗寂莫
誰當好身手名如畫餅不可食不如即時一杯
酒

擣衣篇

子威

閨中少女白雪姿巧作歸雲青黛眉自言生小
好容飾嫁得涼州輕薄兒十五征戍在砂磧一
一姓名留尺籍去年寄書西海頭情隨萬里交
河流紫塞迢迢風似戟青樓宛轉月如鉤如鉤
月色寒威薄秋風吹愁入羅幕鳩頭履子織未
成江上芙蓉開欲落花落機中愁更牽衣擣花
前腕猶弱帔雲香淺暗銀泥釵色盤桓墮金爵
香瓔半拂蕤蕤枕合歡被裁鴛鴦錦有夢還能
越塞垣夜夜依然到空寢覺後思君君不知生

綃掩淚拭紅滋若言星漢猶離別恨作明河無盡時

秋夜篇

季朗

館娃宮外古城西榆葉清秋蔭紫萸官道朱輪
投暮歇綺樓紅箔裊風低娟娟白露蕉衣濕
滉滉澄波蓮袖啼雲母屏風涼思入水精簾箔晚
情迷水精雲母映蘭堂霍納旃檀襲彩梁絡緯
聲中縈別緒鴛鴦機上理愁腸此時寥落敲砧
月此時零亂搗衣粧塞鴈淒淒橫荻浦銀河寂

寂迥花房花房荻浦長遼絕翠帳金燈怨離別
乍可同遊陌上春那堪凍合關前雪空將紅淚
泣羅衣空將錦字題書札秋夜長芙蓉暗吹香
不作桑間妖豔婦不隨隄畔冶遊郎桑間堤畔
繞車塵雞寒龍沙作遠人誰似天孫河鼓樂年
年七夕會河津

孫將軍歌

子威

將軍寶校赤水鯨身馳兩矛星纏稍後猊突地
地欲動北剽瀚海西蒲梢目攝猛士親所教獷

若狂兕寂不呶妖芒入月鬼物號戈鋌雪日風
雨高飛帆渤澥收萬艘探丸少年空瘴惡顏色
慘淡肝膽薄孫侯偏裒聳猿膊撒如草頭下鷗
鷺八尺大羽箭如鑿盤馬殺氣沉朔漠陰雲淒
淒激霜拆天狗齧舌不敢落嗟爾小醜安足縛
咄出勢奔雷礮壑拔鞘吐蟒電鋒鏑纍纍侯印
黃金鵠毳毳髦髮凌煙閣爲君起歌鐵驪驄捩
折鯨鬣高浪中酒酣揖客捍臂短劍舞急節鉤
陳斷冰河絕塞單于款高牙大纛鶯花滿英聲

一日千秋緩

送孫千甫

季朗

春風吹綠水送客黃金臺桃花飛紅落杯酒江
波倒掛芙蓉開黃鵠西飛奮雙翼青天萬里方
一息君門九重玉闕高白日清光照顏色吳
姬如花嬌滿堂彈箏起舞送君觴玉霜寶刀縵
理黑蒼煙紫氣生寒芒仙人拍雙手笑我紅塵
遊君看孫將軍金鞭入皇州男兒有志不能
遂不如投筆須封侯孫郎少年俊逸思何翩翩

弄月華池裏濯足滄江邊酒酣長嘯氣忼慨丹
霞翻墮青山前五陵俠客若浮雲鬪雞走馬皆
成羣結交一言輕白璧風流千載人間聞燕京
富奇傑英風不可攀荆卿武陽竟安在易水東
去何時還我今蹭蹬空落莫戲逐冥鴻謝矰繳
狂歌傲岸嵩岳顛浮沉太霄駕紫煙去爾策功
業折贈綠楊枝冠軍才名震殊域何用比築長
城爲

題朱中丞

子威

朱季桓桓矜氣勢聲烈河東讓高弟當時仗鉞
臨甌閩鐵騎橫驅下江滋長鯨掣浪滄海震萬
里驚濤無縱鱗賈墜流血洒殷輪嚴誅謂使胡
無人長者家兒獨難調介介翻令愁將驕一朝
飛語陷輕僂坐喪成功隳萬艘風摧離耳旌旗
濕霧泣長脰駱越搖男兒由來好身手感憤誰
能甘戶牖

詔書廷尉門前守威利縱橫復何有回思誣枉
不可受安能忍死須臾後真心千古一杯酒赤

日丹霄兩無負深文懾息破功名荒裔越遠勞
經營九津黑水後王庭至今壯氣長冥冥

詠鄭生 有序

季朗

夫孝若有虞氏止矣然亦常耳不足旌也後之
孝者等舜蓋寡矣彼割股廬冢非至孝也割也
冀永親歲廬也弗忍親忘不得已焉耳心固可
哀也不足旌也有虞氏不旌旌割廬者割廬者
果愈舜乎夫割廬不足稱蓋人子自盡焉安足
言嘉名耶夫緣親疾以市名獸而不人矣吾弗

市名人從旌之何諒之薄也或曰有 王憲焉
曰 憲以策忍親者耳君子乃干 憲以徼譽
不罪人哉海虞鄭生之事母也而割且廬焉匪
市名也然里父老以爲古乃聞之邑之郡之部
使者而旌逮焉非鄭意也學禮父病購醫索祀
弗可療泣痛皇惑聞古有羹股愈親者乃雪泣
密禱姬侯之神而剗肱焉肱破血漂殊不痛若
剗他物者蓋哀誠一念神或矜焉僅引寸晷竟
弗永由學禮不孝不克格也罪忍言哉朱陳二

君乞詩貽鄭字兼涕下慘咽無章千載有餘恨
矣

天空木落秋色寒孤飛哀鴈芙蓉殘泠泠誰奏
湘絃曲令我雙涕成汎瀾云是海虞鄭生善養
母母病憂苦不能餐精誠叫天天不語拊心叩
地地何許霜鏹鉞股血暗流持羹奉母母病瘳
哀楚計無出捐身非所恤疏節由來著禮經好
事傳之溢其實竭來大命不可延望廬結在山
之前悲風楸樹對孤泣淒雨蘿花卷愁入末夜

冥冥烏號兔驚鼯鼯螭魅奔走而狂嗚嗚呼毀
形裂腸冤不可招死者不復生虞山高高立萬
古纍纍冢園不可數鄭家墳墓埋白雲血涕長
流一抔土縣侯爲之哀郡公爲之哀 天子敕
使爲之哀表厥宅里何冤冤彼鷲者梟彼兇者
獍何心哉嗚呼吾有父血吾肱而不能救天何
長兮地何厚哀情怨氣塞宇宙天有九閻地九
淵上白日兮下黃泉茫茫杳漠不可問使我皆
血迸散如洪川

曲名

子威

長安道上紫駟馬俠客幽州白鼻騮少年對酒
心自嘆與君相知歌上邪鷄鳴欲渡關山月城
上烏飛蕩子家驅車遠遊去桑梓相逢京洛多
豪華別離莫信空城雀飄泊還同楊白花君不
見萬里從軍隴頭水晨風凜冽寒吹笳愁思寧
憐蘇小小夜夜玄雲暗俠斜

月夜寄憶二首擬陸垂

季朗

桂苑滅浮塵青苔花復生玉簫坐來歇香華隨

處縈香已微漏欲絕芳階清月流羅衣翠蘭結
黃河水未枯寸心不可竭

其二

丹葉棲銀牀流雲度綺梁芳心渺難托清花徒
自香相思只隔天河水越南燕北誰云長煙月
在滄浪寄之不可將

放歌行

子威

若木之末十日華下照九土飛金蛇其旁四百
四十戶戶有玉樹瑯玕花誰其馳者兩年少若

沒若滅游無涯君不見張幼千年未五六白雪
膚清令秀出麗且都戲於燈下敘賓主此時氣
已無全吳落紙颯沓劇風雨一行數字若斗許
汝南生驚未已安定公亟倒屣往日操觚數高
士爭欲北面稱弟子夙悟無言小可欺神鋒雋
賞信有之項橐曾爲聖者師生亦著書童子時
廣度淹中聲逾起陽紆具區浩無涖踈踈俊風
尤可喜總角知名誰得似遂爾高歌向白雲蒼
茫營室中原紫新詩一一煙霞色飛壑淙淙瀉

清耳又不見魏季朗播弄日月若反掌驅策一
世猛氣而雷音吹沫可以破山千古一擲何雄
爽九州之外殊漭漭滔騰輒欲墮愴恍舉首纔
似出雲中據地已迫不得仰二子大咲臯陶嘻
若士昔與汗漫期朝晞暘谷浴咸池峻狼之山
影未移僕本牢落不可羈仰天叫絕亦大竒比
經蒙轂何所闕迎風而舞空復爲昔曾謁 帝
向丹極小臣無禮戲殿側七舍執禁行自干夢
與昭塗遂相失邇來羣 帝哀鳳德之衰乞與

萬丈之羽何崔嵬長嘯仰謂二子唉吾與爾道
歸墟厲波毋包裹兩涯橫感海水令倒開揮撥
河漢鏡太清照見貝闕金銀臺炎洲乃在紫水
中崑陵亦復揚黃埃不知羣山飄蕩竟何所誰
安排海若失勢而愕立河伯亦何暇懷怨而相
猜牽連重複謂爾來可共把臂橫九垓趨埒何
足付嘲哂向來谿谷安在哉張生昔贈五君詠
謂我爲姝亦何倖夜半吹霜篴歌君詩音調遠
姚霜覆枝是誰招我黃鵠騎碧琅吹落芙蓉披

遂令王母鞭玉螭至今天柱偃欲歌翔風已自
賦秋草婕妤團扇何能好願子榮名但自寶千
金弊帚應須道昔者槐榆與橘柚共爲兄弟況
我氣類寧恨老

送章循之讀書錫邑

季朗

章生二十妙英思別我遠赴荆之陽少年落筆
每迅疾志携萬卷凌滄浪比者束髮學經藝折
節事我聞雌黃豫章千霄起方寸駉裏伏櫪終
騰驤古聖名德在汗史要以若木迴扶桑孟諸

岱華儼醞藉銀波珠斗昭文章么麼窶人不足
數猛氣驟決須自強若翁詎曾階片札羽翼高
厲摩青蒼金章繫肘抗旌蓋郵吏驚走謁道旁
皁囊白簡立疆項省中九夏飛清霜丈夫屈首
受書策咄嗟齷齪何披猖忠孝昭朗懸日月文
采炳發搖青鏘乾坤萬古不可極舉指排頓張
陰陽蘭膏繼日討精義姬公聖者猶皇皇吾亦
童子苦自力踈蹶颯爾徒摧藏攝裾躋躋逐兔
冊慚彼汗血超車箱樹蔭未移歲已改扼腕歎

息何能償汝曹趨捷不得爾黃鵠一舉千里翔
我非陽元善自課曹耦不足才非長春風吹花
江渺茫青驪引途各持觴行矣努力崇明德相
與勞苦登河梁

春風行

子威

昔日爲郎稱守灌春風走馬叢臺下花似河陽
倍可憐清漳水邊盛游冶少年挾彈逐流光十
五追隨不相捨平原草色可攬結出門采菜未
盈把鬪雞搏戲各分曹相邀復作城南社丈夫

一生無所解身事徒誇滿杯竿朝聞閭左發奔
命踐更車騎盈郊野榆葉關前春不歸柳絮樓
中思北假借復霜雪暗祈連寧識風塵異華夏
况今操急誰相容兼道前年戮莊賈西域兵圍
都護庭北風吹墮武安瓦不如山東一豎儒談
笑雍容復文雅向之目攝猶弃去安肯低頭甘
謾罵一從長揖罷歸來新市南頭守松檟骯髒
平生何問爲調高不恨知音寡恨恨千載意無
盡泫然獨自臨風寫栖泊無言羈可陵等閑萬

事同蕭洒平視常輕一世人此曹自是何爲者
處士純欲盜虛名崢嶸徒爾非才也馳騫交游
爾莫矜沉酣六籍吾猶且若道辭無造次華透
迤未覩長河瀉但容牢落寄藩籬何能卑俛論
堂厦早晚方從會稽去東探禹穴隨司馬長游
著書倘可成不勝巖壑煙霞惹

贈 魯王官屬沈君族子乞予作 季朗

梁王好賓客後乘以千數飛盖如木葉綵旂疾
風雨鄒陽枚叔不在側苑中半語不得吐大垂

手五雜組歌者善歌舞善舞貴人自奉肥且醲
擁抱愛者晨擊鐘閒堂麗館密帷幙膝理疏脆
媒疽癰陽慶操鍼華佗砭須臾霍然知有驗枚
叔七發病可已慶佗之伎徒爲爾沈生乃善黃
白術刀圭在手病如失王門巍峩可曳裾每到
山中斲芝朮古來材傑知幾人囊粟僅與侏儒
倫丈夫意氣薄千載齷齪何須逐後塵長風蕩
萬里片月落花色白雲浮空來黃鵠側雙翼窳
越常逢候騎呵賈生每爲讒臣抑骭麟空留後

代名栖遲不受當時識予愛城西萬仞山青巖
碧嶂流潺湲閉門掩卷且高臥芳草萋萋常自
閒君從賢王作上客華軒高輪振絲策朝過趙
李戲三條暮向金張呼五白結束將爲濟上遊
吹竽彈鋏徧王侯尊中有酒千日醉美人自解
彈箜篌知君有兒稱俊才上書召見燕王臺楚
玉江珠有時採空霄翠滴青梧苔丹函半行久
不發紫丸一粒飛絳闕讀罷南華第一篇蓬萊
花開猶未歇

看花行

子威

閨風臺上花雜襲湍池浩蕩呼辟易
中有萬里翻風拂日之長林
盡驅結惛藉開懌弱英紛披勢欲墜
空香錦帳縈蘭氣龍茸佳人紫半臂
日暮歌鐘聲匝地貴意盈盈動流媚
秀色蟬嫣獨堪媚寵疑愛敵傷儕類
飄萼紛粵濺雙淚繁艷猶思出洛中
百卉不敢臨春風緋衣曾賜蓬萊宮
粧罷微酣玉貌同自從移植在江滸
亦似九霄墮輕羽鬱悼何須不自聊
置之且復齊芳

樹勃窣隄邊猥歌舞

春遊

季朗

玉人窈窕步春芳豔態嬌顏耀景光
與君携手出花徑微笑朱唇生遠香
柔情慧性淹君意宛轉娉婷會華利
芍藥方開紅繡披芙蓉初發朱純媚體
弱隨風裾不留越人此夕楚歌愁共言
密意深相結且逐春花春夜遊蘭途泛
泛雲華薄菰漵遥遥月光落行雨荆王
夢不成空使佳人怨芳若蕩思流神飄
以輕與君相戀本多情

春風一去長相失獨立躊躇紅淚傾

同季朗諸君過虎丘

子威

秋風載酒入山色倚棹空潭作放游眼前花鳥
千年恨天外煙雲萬里流悵望昨時携手處蕭
蕭木葉征鴻去蒼壁慘淡雄圖湮白虎昔日但
曾據合沓青珉坐平衍未妨石畛迴偃蹇化城
幻出遙林端相向琳宮亦華顯峯上從教澗壑
臨窓中欲放江湖展蛟龍夜走誰能識重泉氣
徹應須辨飄揚淒露餘煙盡空涵月色郊原淺

咲拂芙蓉傲山水事外聊同恣攀踐驚吹颯颯
襟袖生寒霞片片衣裳輕與酣延引川渚遍覺
似萬嶺相紆縈浮觀浩蕩小復分江淮一色連
吳雲野深潮暝猿聲急千古茫茫持謝君

同劉臬憲諸君過虎丘

季朗

湛盧之劍安在哉且與爾登高眺遠青冥開藤
花飛飛落秋水紫煙萬里空中來昔時豪賢畧
可數苔沒蕪荒半尺土敬豫山池罷綺羅館娃
宮閣消歌舞君不能彎弓北射谷蠡王裂城爵

胤延千霜君不能早服大丹駐營魄笑逐羲和
振鞭策煩憂擾擾何爲者英雄事業薄野馬巖
前空翠光欲流壁蘿低礪寒雲愁絲桐泠泠弄
清樾酣霞抱月輕王侯君不必東入鸚鵡洲余
亦不必西問孫楚樓壺傾霜落下山去山中煙
月知我遊

石湖作

子威

朝來浩蕩無百憂遂挾數子翻遨遊風雲變異
亦何有咲謂天地如浮漚浮漚乍滅波浪白盤

渦百尺漾舟立倚棹龜鼉擲未休坐覺空冥碧
雲濕蕭灑且得共今夕氣酣豈識煙塵色詩罷
青天掛爲帆仰盃北斗相嵌巉洲渚紛披蒺藜花
亂鳧鷗與爾無猜嫌寒蕪已沒吳王壘悲壑千
年秀萎蕤泉芝石華誰爲開歌舞曾臺竟安在
日月酣戰神慘傷銀河落影搖八荒水底黯黮
百川黑林際揖帶羣山長藤蘿亦援古寺出怪
石攫立蛟龍側屏障缺丹翠溢高澗怒號暮
流急况憐只疑風雨入積陰徃徃鬼神泣事徃

時移感慨多瞋目狂呼金叵羅對酒不樂奈君何

寄王大夫兄弟

季朗

掛席向中流冷然浩歌發飛泉萬丈落河漢倒
着蘿衣弄明月明月蒼蒼夜欲愁輕颺吹作瀟
湘秋波光月色白如雪忽憶山陰王子猷王家
兄弟曠世才翩翩俠氣青虹開布衣上書立
召拜霜鐔拂拭無絲埃片言千秋懸白日風雲
何意長相失脫冠城門歸去來目攝荆卿擊劍

術浮煙泛滄海飛花不相待魯連蔡澤尚有神
屠沽小兒竟安在何時能發剡溪棹晤言一日
當千載

與沈李二生

子威

爾曹醉者流問我何勞苦莫謂瓦石徒自舍但
恨有舌不得吐落落壯氣填胸中噤吟一笑千
古空坐來文采縱橫起忽然四海迴英風憤懣
未申顏亦衰激烈向人肝膽開酒歌時自發清
興薄暮遙登衆帝臺迢迢望鄉國北風吹紫埃

流年竟不待萬事俱草萊
長安日月會龍猶相邀
少年飲醇耐忍使平生
浩蕩心蕭條直爾閑
清晝藉此牢籠方寸間
不然橫逸出宇宙文休
海內猶空名樊生唇吻
未敢爭爲言傲忽塵中
意豈是游揚世上情

郭將軍歌

子威

支伯怒號海水赤
魑魅晝逃白日匿
阨陽遘厲獸欲辭
漂沫萬里厭夷貊
將軍戈船被海出
奔鯨鼓鬣波光射
鼙聲四合蹴驚流
猛氣盤桓皆

辟易一麾共前爭
死敵持滿不發勇
自百轉戰傳呼山爲摧
飛颿上下風雨劇
自昔全師稱伐謀
阻隘禽之乃深畫
往時延寇入平地
致令玉帛盈鹵獲
雖云旋復卽誅夷
固亦傷殘失中策
邇來乃敢肆犬羊
意氣翻然易中國
豈知王靈四海震
飛將勁捷猶鬼神
身作長城靜疆場
親自倚鋒奮雄戟
當其勃蕩勢相激
吹涎沃日浪花白
樓櫓捲聚風拔石
砦若艦崩檣纛
獯狂狡顛蹶墮
精鬼目不得視
腰領坼我乃奮前
但斬

馘舉之盡向海中擲由來殪戎誇武功未有殲
夷如此役貝綬光明流血殷水犀距踊蛟龍閑
没人懽呼溪子勁長波沓沓菴蒲間尺一
詔書下軍前使者持節勞凱旋萬金錦衣屬鞬
鞭拜恩獨與諸將專行見論功疇爵邑會令邊
徼無炎煙

憶昨行

子威

憶昨遨遊去鄉縣敝車羸馬來畿甸渭水秋風
白玉京咸陽明月黃金殿此時結交盡豪賢此

時羈旅羞貧賤青雲薦士各矜名達者朱門盛
談宴推轂咸稱得石交聲華千載同誇炫一言
何意坐相失盃酒未乾情義變丞相自嗔驕灌
夫布衣睚眦銜長倩刎頸還能荅寸心知已何
嘗申半面道縱橫誰所禁須臾事改君應見
邇來萬物雖一新未忍顛倒由他人出門長揖
向西咲齷齪小儒非所論欲令歲月隨資調蹉
跎愈恐傷心神矢志從低壯士顏遠迹無過天
地間骯髒能爲孺子屈與酣轉愛秋雲閒落日

更弄松下絃雜以泠泠霧裏泉江山處處堪垂
釣回首紛紛那足憐

寄李于鱗

子威

虹霓萬里飛轆轤手揮白月切錕鋕寒色高開
孟諸野七首倒插青珊瑚劃然岳麓斷中裂兩
崖煙樹皆模糊變幻須臾百怪出踧踖生象投
洪鑪欲懸片語繫今古誰其作者李大夫大夫
節槩雄四海夜半驚濤失湛盧才劇憑陵風雨
入興酣回首崑崙孤剖抉鴻濛剖昏旦精靈上

與天相扶河薄洛水下雷首奎婁之分何盤紆
以東泰岱橫欲決失勢偃蹇羣龍趨是時英俊
滿京國少年徃徃稱麟駒踰蹠長鳴爭汗血桃
花顏色同敷腴衆中誰不道千里縣圃赤霄風
力殊號鍾清夜論高調王生跡弛來東吳咳唾
譎詭壯麗敵顧盼森爽精神俱相逢自謂不恒
有時復醉中瞋目呼扶風豪士盡辟易三輔何
人還囁嚅紅光忽曳掌中電仰天叱笑張虬鬚
刺促曹郎不稱意凌雲臺上令人吁狂來飲酒

過羊羴盡解黃金向狗屠北風吹鴈沉朔漠撫
膺愁殺東門胡丈夫游談舌空在燕頷功名寧
足圖氣往牢落隘宇內九河七澤成杯盂安得
一舉浮渤澥不數任達步兵厨日暮高歌下莽
蒼抗音拊節陵西都一奏咸池叶清廟是何韋
孟真小儒篇成感槩心何烈舞罷邯鄲色最姝
齊風矯矯變淳質雅體竟欲興韶虞聲詩力能
化工競九鼎神州復有無自茲遠近方睥睨携
手天地空踟躕交游故人半膝席吹笛擊筑爲

歡娛守藩位望亞三事城頭秋色來飛狐乘輅
碣石或仙掌方外逍遙非所拘二子中原溱相
失徘徊故里浮雲徂明星在天夜耿耿落影未
必淪江湖却觀鴻鵠已寥廓啁啾草野何爲乎
千金盡題似鹿馬徑寸誰分滄海珠孺子但坐
論資算豪傑自古終吾徒公榮莫謂似小減啞
鳴意氣何其麤緘書遠爲謝姑蔑道我相思從
具區

代李榮答女道士王靈妃

子威

搖山海外飛煙中面面風光訝許同丹成九轉
應難待華表千年不易逢別有棲神依岫室巖
嶺紆迴雲霧濕雲霧迢迢隔窓裏鳳歌隱隱遙
空起石牀琳翠浸寒煙玉洞踈蕪映芳埃人世
看時只作霞仙源到處皆成紫鏡銅髻髻躍盤
龍林木分明化爲塵金纓繡幕啣朝日緋羅複
帳懸秋水綠華閣向綺疏前明姿艷出輕風底
飄若游鴻翻素瀾皎如新月含清旨不言流浪
逐情多到道盤桓獨柔靡自然巧笑相逢迎何

能反覆無終始寶鼎神芝宛轉輝珊瑚玉樹參
差倚亦有墉城人未識冥運依然遘靈匹正復
携衾論宴好豈憚齊牢結琴瑟芳塵不滅步羅
衣淺暈爭新刻檀的蘭開併是落玫風臉態全
含渡江日珠胎隱浪沾雲裾鈿蟬絕整韶花質
意外蕭條抗俗心塵中洪艷傾城色泠泠吹氣
燒嬰香慊慊言辭照瓊碧雖云絕世少容華乍
可離羣托高逸褰帷聊得共徘徊拂枕何嫌整
低睨閑房寂謐無人聲茵褥重陳河漢清此時

盼睐承君意此時妖冶蕩君情學將鴛袖偷持
袂抽取鸞釵直掛纓遷延似進還成却悅禮明
詩何婉約內苑飛花步步縈上林垂柳枝枝弱
初疑送笑不勝嬌復似含嗔畏相謔颯沓風華
私自驚箇裏真情猶可明可堪目轉姿多媚可
憶幽閑潔復貞生憎並翼梁間燕不分深啼閨
裏鶯梁間閨裏得人憐百過尋思信許懸天涯
物色經時序機上流黃擲少年少年本自愛嫵
妍得寵傍邊判不前採桑逐伴羞夫婿沽酒相

誇不論錢太矜容貌專能忌偏道莊姝會取
莊姝亦信有文才生小工歌特好猜未須薄怒
嬌難憶且更淹留共戲來卽今日夕牽牛渚何
如朝暮陽雲臺玉清竊匿知未返靈簫邀勒不
教回寄語人間弦義起寄語遼東丁令威淚痕
須滴瀟湘浦風流須憶華山畿石黛罷開眉上
靨麝煙偏熨篋中衣八角兩頭安兩袂雙帶歲
終得幾圍爲想裁縫經玉手不愁無路向金微
金微一去無休歇夢覓已是常飛越杳杳年年

行路塵遙遙夜夜青天月秋風飄葉下榆溝曉
露流寒生桂闕高樓思婦腸皆斷塞外征人心
盡折最憐南陌暫時分何況他鄉終歲訣青牛
早晚度函關洛水微波鳴珮環情知不作輕雲
散願得遙隨行雨還爲雨爲雲未可期丹心磐
石自難移莫辭細帖蛟龍帔定看飛上鳳凰枝
千丈葡萄百尺垂芙蓉曲寢贈新詩明珠應待
鬪交甫白璧何曾調子兒玉女投壺笑未已彩
鸞乘月立多時多時鬱鬱恨交流西顧翹翹可

自由別鶴假遊蓬島上歸鴻常寄大刀頭寄意
金羈俠客騮因聲鳳船五陵花掩靄從霏九里
霧薄裝延佇七香車

附

荅贈子威

李于鱗

劉生家本安東子不爾高名那如此十載論
交少聞問君胡尺書數千里蒼頭大奴前置
辭主人束髮重知己家本闔閭城下兒清風
獨爲延陵起一從出刺三河還攬轡爭誇按

百蠻早歲升公開漢署只今謝客卧江關雖
言萬事歸來好乍可論交到誰老猶作鳳凰
池上看窮途殺更耽文藻中間詆蕩復王郎
伏臘扁舟發太倉但語即翁常在口彼時多
士儼成行宦情漸覺綈袍薄秋興翻從彩筆
強魏倩一珠纔照乘主人雙壁竟登場倡余
和汝篇相及日居月諸業以集共道提戈虎
穴回僮容投謁龍門入開槭寒色散陽湖白
雪樓空嶽影孤不盡雄才推二妙正如古調

已吾徒一當單于則豈敢相遇中原尚足圖
但語主人須自愛一時長句似君無

憶舊遊兼贈季朗

子威

王壽負書遊虞卿釋屩語開闔舉世在舌端鼠
穴幾許能容汝束馬懸鋒不足論負羈已辨爲
心膂但能相爲雇金錢何惜私名不相與耽耽
虎視肉中原誰教蹈藉禾生魯自從棄置梁魯
間飲酒且得開心顏秋風謂渠當有意北窻花
月何時閑憶爾龍鸞姿見者羞娥眉沉吟日暮

動心鬼虛惑煩言紛被離豈知中自直慷慨兩
不疑高歌惜往日芳草同所思忽起投袂覽千
古賢聖徃徃遭讒訾秋毫萬事聊束心裴劉當
復內手耳還逐宋忠訪季主因過開卦嚴夫子
才術已見朝列中獵纓觀采風塵裏君不見顛
倒鼓舞何代無談士伏軾唇吻枯有鳥在南噤
其味不肖拊翼隨鶉鷓踟躕陳蕃死老魅成風
謝請能為否猶懷利刃齒腐朽可惜縱橫盡塵
垢人皆遇我衆人後惟爾偃蹇情偏厚姓名求

識冶家傭形容變盡空趨走李代桃疆心未已
寵鷄囚鸞亦可恥嫉惡翻為撫掌資何人投版
華陰市丈夫不將身命輕造次胡為肝膽傾明
朝仗劔報恩去戮取鯨鯢截海行

答劉大夫憶舊遊兼投贈之作 季朗

王掾少登朝謝萬氣凌世倒提華山擲海中百
靈上天訴 天帝罰汝熱沙三萬年至今大海
塵茫然五千甲子花再發長川浩蕩浮明月口
沫正出雨蔽空鼓翼乘風坐超忽菰蘆中乃有

此人裹足不肯西入秦咸陽血戰屠六國仲連
蹈水垂千春 唐堯今在上巢父何爲爾牽牛
上流去飲之却笑他人欲洗耳縱橫翻覆萬態
出長途巉巖復微黑關中年少輕轅公席上諸
生疾王式大夫一是有知者長安肆中識司馬
嘿然捧腹仰天笑便肯低眉爲相下秋風正蕭
蕭吹我長劍色狂奴故態氣雄放高談入雲恣
橫直絳灌真木彊黃祖亦庸鄙此曹安能容我
輩正賴公等雪此恥一言狂易失顏色長虹干

天斗光紫丈夫磊落千古曾偏側秋毛何足齒
忽持彩雲牋詎須青玉案讀之一再通憮然發
長歎語言小卻不足傷孔公改過殊可玩省躬
念咎舌可辭悔吝在余坐自責問我何乃知爰
辭呂蒙嚙語通姬易

重答季朗

子威

顏歎自貴形神全抗心稱說齊王前顧語丈人
且安坐少年窈窕何能賢憶從弱冠通朝籍時
時笑傲公卿間季陵曠爲強解事游平把臂長

周旋意氣直欲出其上憑陵那復能相仗遂於
聲利謝浮湛亦向人間任流浪未肯一朝失計
墮輕黠結交漕中叔里舍候原涉掉頭萬事如
等閑動欲斫却君卿舌閉門或從問疑事酒醪
不為狂生設隱約思弘退讓風卓詭無如內修
潔雖復睚眦不能忘未許諸陵為氣俠語君何
不早激昂海水昨日開扶桑扶桑長峰七十二
一一峰頭金鳳鳳鳳飛來食玉禾彩雲鷹翳
覆江沱照見東南數千里有士涕嗟為強歌宋

人酒美沽不售楊倩何知罪其狗蓋聶論劔雖
劔雄目之却恐慶卿走丈夫得意失意由一言
反掌富貴非所憐雄心已挂烟郊樹放意來聽
明月泉何如開石室按河洛盡讀古文月采篇
興作明堂覽考乾君不見高臺黃道臨雲雨搔
頭弄姿帷房裏是何王盛賣餅兒爭誇卜式牧
羊子騏驥蹴躡風塵中纏牽乃與凡馬同世人
亦笑我徒有逸氣干長虹井丹何忽造人食得
不諄語輕乃公猖狂但取快意耳腐鼠庸令虞

氏攻不見披裘蒙袂數公者其人千載迴英風

畫松行爲南海張仲實賦

子威

霜空落落宰森爽憑軒眺引何疎矟張生自云
嶺南客薄遊四海狂歡賞爲余閒掃石上松長
崖倒插開千丈年深古榦屈鐵垂天迴翠色蕭
蕭上飛颺競軼聲旁魄飄烟高驚神悽愴攫拏
盤擗鱗甲傷騰龍突獸爭雄長偃蓋慘黑結陰
雲日暮精靈颯來往勁意已覺敵霜雪歷歷江
濤虛可想寒風忽自楮素流恍如中夜引清吭

悄然坐我天姥下頓使滿堂迴滌蒼昔聞張皞
寫生枝勢隨放筆生鉛姿斜梢牢刺欲穿壁奇
絕紛從雲霧窺君豈僧繇後身是醉來煙瀋時
淋漓墨光稀少不盡意位置經營誰所師叢棘
欲呼蒼鷹起撇捩與之力相似况余彈壓千載
人獨立風塵正如此乃能緩策爲小留茅齋移
置瀟湘裏恠石崩阨天漢傾遙林突出風湍底
意氣相看共悲壯縱橫妙解丹青理臨岐把贈
河梁詩杜若空令在幽泚生持片字過江去無

為浪使蛟龍喜

劉大夫席上作時坐有金姓者不飲弄之

季明

天上黃煙忽作霰龍伯蹙僵銅狄戰奔河急壑
凍不流亂撲簾茵雪成片自笑次公醒而狂傲
然朗誦仙人章絲絃飄飄欲飛去流音吹落川
之梁韓非著書徒口吃王通獻身亦寒乞繞牀
何用阿堵為咄咄忽斷杯中物百年偏側疾奔
電今日枯花昨如茜且逐小兒繞指柔莫學他

家百迴鍊君不見金日磬兩兒黃口嬌欲啼尚
恨骨體未姿媚委蛇詰屈柔如荑斷斷不可光
祿勲安肯低首通殷勤被髮行歌下莽蒼桃花
驟決嘶浮雲爾無堯舜事業姬孔文犀首之舌
淮陰軍嶢嶢何異一醯蟻生死甑下徒紛紛瓜
裂蚊睫分汝半厭飫十載尚餘爨

座上作戲荅季明

子威

扶臺千仞臨高堦寒霧沉沉隱光彩流雪將風
浩蕩迴忽覺茫然墮天海座中誰者稱絕奇嘯

歌綠霞仙人在舉手相招崑閬間策雙麒麟不
可攀散落芒繁共璀璨縈紆萬壑爭潺湲天公
謂汝太都姣雖爾逸麗無妖媚王陵少戇置社
稷富貴何事須筆墨陰重嘗隨帷幄親垢汗偏
得蒙顏色不見當時戴法興其人材智何縱橫
嬖大夫能御人主優笑抵掌成功名衛霍豈不
氣雄傑如呼小兒走顛跌自媚豈獨王生言下
意還憑齊虜舌况我滔漫拓弛虛道循玩世惟
輕諧謔人曾撓亦欲效流俗凌逼猶恐嫌精神

小言鬱棲託陵鳥非敢妄慕希六翮蛟龍忽下
從蜥蜴雲霧溟濛待君擇

短歌行贈歐博士

子威

傳嘏善名理苟粲談玄微功名志局能開獎未
必識度相因依昔我務沉思獨道貴知希近來
聞有歐博士清詩往往傳人耳意姿殊復謝塵
鞿格尚寧爲作者非眼中才若曳秋電掣曜長
天視爲眩從知俊快絕人羣時發清機覩顏面
明珠南海夜何深濤色長江淨如練傳響未絕

比玉集卷一
林木開餘霞散作花千片吳淮氣勁杼不如兼
動星文飛鳥舒披懷澄澈精神映自言潦倒衣
冠儒是以棲心白雲客不覺遠致還相入爲君
酒所一沉吟徘徊河漢清光挹

附

吳鈞行答子威憲使

楨伯

魚腸扁諸射斗牛人間誰識雙吳鈞鯨鯢簸
浪雷電激分飛豈合三千秋君生東吳我南
粵形影萬里兩闊絕長空紫氣徒爾高吳鈞

雙照芙蓉闕側身胡爲在窮髮苦欲識君不
能謁揮絃一送滄洲鴻把釣空懷五湖月君
乎意氣大自奇尺書寄我河梁詩神交慘澹
論肝膽滿目青雲世上兒只今作者盛昭代
登壇叱咤千人廢風格能令冠一時才華久
已推前輩鸞斯未用學鷓鴣丘垤寧須擬嵩
岱前驅自許當單于一笑便堪迷下蔡得此
槭藏山笥中蕪城夜夜精光在我自蒯緱何
所之哀歌斫地魑魅悲天涯把臂豈易得丰

酒驩呼君莫疑君莫疑行莫遲願似吳鈞江
上合風濤毋遣遙相思

比玉集卷之三

比玉集卷四

五言律詩

送韓承志之永豐二首

子威

長亭桂酒餘，陌上望行車。
芳草炎天遠，青雲舊侶疎。
鳴鳩春雨外，官舍杏花初。
若問新爲政，城南觀夜漁。

其二

聞作豫章行，偏多楚客情。
江帆空裏度，秋水夢中平。
名向諸曹重，身隨一劔輕。
知君占對敏，不

必待王生

送陸武康

季朗

雲入西湖色花藏茗水煙吏人迎茂宰為問武
康船官舍青山裏漁歌落木前政成誰可嗣
明主倚才賢

與季朗二首

子威

踈雨掛西林朝來羈望深片言相慰藉千載見
登臨峯瀉長河色秋啣衆壑陰共疑關世務明
月照愁心

其二

杯酒儼相看悲歌動鼻寒歸雲遲去鳥落日迅
流瀾江左清談在東南舊俗寬願言王逸少莫
使素風殘

鬪劉侍御二首

季朗

雲水本無意素心長共閒道書將綠竹茶椀與
青山日色古林上河流斷岸間因過劉子政歸
去掩柴關

其二

世路一何隘知君自可親江關棄繻客漢室繡
衣臣才筆窺三昧玄機鏡六身朝端如有問
莫道灌園人

行園

子威

踈蕪向水干長薄隱江湍嘉木爲交讓名花是
合歡秋酒叢礪白露委一峯丹西澱豐蒲竹衡
茅計可完

冬行

季朗

孤鳥長空滅浮雲萬里征生涯餘釣竹世路在

碁枰野燒荒煙斷村墟落木平悲歌猶未已月
色下寒城

寄題山寺

子威

澗道掛深松霜流萬壑鍾鳥來分樹色鹿下破
苔封寄衲雲門寺懸燈天柱峰何年高足去受
記付潭龍

宿泉上人山房二首

季朗

暮春到湖上遠聞鐘磬音古寺白雲在亂山殘
葉深爐香坐清夜月色臥西林因悟空王理聊

同靜者心

其二

花落徑長靜鳥鳴春自閒雲行似相送日暮不知還支遁頗好客遠公時閉關松窓不能寐明月滿空山

同劉憲使登虎丘

季朗

金地香雲合珠林曉萼紅象超三界外想滅六塵中蟬抱啼枝露山分響礪風謝公淹勝賞逸思渺難窮

過虎丘次季朗

子威

炎燠銷蘭苑驚雲棲桂宮壁懸苔縷翠萼散礪窺紅芳色停衣上溫情間曲中善游良所企將爾共凌風

寄河州丈人

子威

萑浦自堪幽春風幸未收夕陽霑舊影蕙色染新流綠樹生煙濕青山積氣浮盍來川水上非是釣西周

送章二

季朗

送子涉津水携樽入野煙夕陽歸鳥外落木片
帆前遠跡幼安在論文江總賢還將淇澳詠一
和北梁篇

虎丘餞別蔡司馬

子威

臥來經歲久忽枉使車過樽酒光輝滿空筵藻
賞多襟情超法界劔氣動山河客有應徐舊猶
堪憶笑歌

其二

逸思狎巖阿清言洽薜蘿境通花梵遍香薄寶

煙和澗影驚台席峯文映玉珂離心欲有贈無
那使君何

送浙臬憲

季朗

授鉞分南顧褰帷寵外臣江山存寄藻花鳥待
行春畫省餘芳草西關望後塵題詩與朔鴈聊
爲寫情親

望月懷庾元規

季朗

半夜山樓靜高吟獨倚扉露隨花共落雲與月
同飛白浪空中泛寒煙柳外微風流懷庾叟千

古一沾衣

次季朗望月韻

子威

珠闕下傾波飛光欲瀉河微颺當戶引生韻此
宵多勝託堪陶寫長懷一詠歌若將劉尹宿故
自想雲柯

贈子循

子威

阮曲負前期青林復此時柳踈宵榭吐花覆壁
苔滋白玉題為管文犀刻作卮但能十日飲何
用不追隨

其二

緒風清夏日談宴數經來荷色占衣發林香入
詠菽酒因陳協進堂為戴崇開不惜蘋風起能
將歌吹迴

贈人二首

季朗

梁王昔好客枚乘亦彈冠十載尋黃石千秋付
紫丹乾坤同逆旅日月到漁竿杯酒堪忘世梅
花入暮寒

其二

聞爾賦不遇獨憐空復情青山餘磬室明月在
江城對酒薜蘿濕振衣軒冕輕白雲倘可弄不
必穎陽名

晚望

子威

水澤魚梁晚風煙鳥道長寄愁賒易盡啣意遠
難將衣紉幽蘭色杯縈芳杜香莫言頻寫送賴
爾逐流光

野望

季朗

日晚黃雲結冬寒碧草衰露依巖竹澹風入野

煙遲機破翔鷗鳥情閒任履綦丹砂如可化五
欲訪彭期

重與季朗二首

子威

低徊巖障陰栖薄耐招尋秋與人情杳川爲魚
鳥深夕煙高閣吐衰草故宮沉萬事悲消歇相
期惟片心

其二

爽氣醒人目虛涼近物情坐聞天樹引簷遍露
華清雲寫山俱徹風懸竹又輕秋宵同可念勝

寄渺難平

舟晚憶章劉二憲臬二首

季朗

去去辭桑梓行行入帝鄉飄零王粲賦流浪

鮑生觴鮑照云流浪在苒經三句野色臨秋渡蟬聲送夕陽

可憐江浦月茲夕渺相望

其二

金城行可到翠色倚青天江水空秋月花山入

暮煙清輝兩鄉共孤燭片帆懸客意渾無寄西

關何處邊

缺門山

子威

山岫臨霞斷林郭側道懸鶴棲松上月龍臥沓

中煙閣道名千佛樓臺出四天誰來雙樹下宴

坐獨暉然

夢賦楞伽嶺末二句寤成

季朗

絕磴逶迤上晴湖縹緲看半山橫榻暮千竹倚

窓寒杯酒鳥飛盡壑雲花落殘曠懷殊不極孤

嘯起峰端

雨中懷憶

子威

懸流鳴石瀨新水滌江沙疎雨寒栖草空煙淡
着花夢來通日下人遠隔天涯若道牽情處扁
舟宿浦霞

賦得美人別

季朗

蘭被寒生翠金缸半滅暉長途輕一別情淚寄
清徽羅帶香猶沈巫山夢不歸欲知心斷處留
得紫綃衣

謾成

子威

端居能得性幽徑轉多情日氣花間冷松聲几

上清書從太史續酒遣少兒行莫問仙將隱因
之究達生

賦得艷詩

季朗

楊柳金隄合芙蓉玉沼開宛眉歌黛感長袖舞
羅迴流目傳幽意彈弦結素哀月明人盡散雲
落楚王臺

與元材秋泛

子威

洲渚白蘋生風來青翰輕長渠分石堰修瀆帶
江蘅魚戲蓮先動林開鳥不驚斗牛君莫望醉

裏暮煙橫

泛舟懷劉侍御子威

季朗

春雲無定跡何意逐舟來
花是隔年色人非今日杯
關河因夢到煙水爲誰開
一別三千里新篇不易裁

渡溪

子威

溪渡何時岸煙藏萬里流
風平翻水鶴日破浴沙鷗
稍覺清川媚因知碧草幽
爲耽心賞貴薄暮駕言游

有憶

子威

昔游那可憶前路益蹉跎
東道嘗監洛西行遠度河
關梁春夢後隴坂夏雲多
悽斷篋中畫無堪一鴈過

夢中得句賦成

季朗

夜雨吹殘夢曉來猶閉關
窮愁聊素帙雅意本秋山
流水劍門外夕陽燕楚間
夢得此二句將茲問詹尹
花落何時還

夏日過皇甫氏林亭

子威

輕吹入繁聲青山多艷情花光承扇落咲語隔
煙迎客醉梧桐月詩傳桂樹行無嫌竹林後自
可酒爲名

送蘇給事出宰

季朗

握蘭辭左掖飛鳥下 神州簿領官僚暇封面
國史求淮陽未可薄宣室且將留送別西江浦
寒花滿客舟

賦得千頃雲

子威

亭亭風觀上千澗遍芳暉影重山川合煙深草

樹微岩堯看漸遠容裔澹忘歸衆色驚無定那
堪朝暮飛

其二

蒼蔚起高臺氤氳極望開勢因川陸盡平學水
田栽草際煙相發松間靄自來依依河漢淺將
月共徘徊

山中擬王子安

季朗

候月乘蕪磴披雲度石梁礪空山氣入花密野
風香梵音隨磬遠竹色抱川涼復此清宵會那

堪旅思長

立春前一日集幼干城南齋 子威

煙楚生春早驚枝已半菲
鬢看時序入交見物情歸
水淨苔堪綠林空響易飛
是誰歌白雪曲裏下新暉

顧文客廣陵見懷荅此二首 季朗

夫子人間秀雄豪擅五車
朝攀洞庭月暮宿廣陵花
幕府弓旌及山川魚鴈賒
黃雲正千里愁望極天涯

其二

忽枉瑤華贈深慚慰撫言
名留何記室才少陸平原
然諾千金重文章百代存
吾生惟一劔感激在銜恩

夏日即事

子威

小院浮涼遍閑窓踈雨來
斷煙棲澗竹流葉瀉泉苔
露引秋先入林虛暑易催
從知幽意慳白雪爲誰裁

其二

樹色轉幽哉當歌興每開壑分瀾入坐峯缺影
浮杯微月低花度輕雲拂舞回却疑良夜逼炎
氣祗須催

贈人

季朗

寄跡在城市紛埃無所侵攀花映水色灌竹墮
雲陰內養堪爲適棲遲祗自吟因憐能好客酌
酒共論心

憶函洛

子威

上洛成周畧長河伯禹祠亭名君子濟簷入女

貞枝按轡山櫻發驅車谷鳥隨蕭條逢故吏猶
問出關時

送徐太學二首

季朗

送子涉關梁清秋月色涼相思江草綠爲別水
雲長帆指黃龍口風生朱雀桁薄游多意氣不
是愛他鄉

其二

曉發昌亭道風花散渚蘋同爲遊楚客先作別
家人文采凌雲妙煙霄擢桂新那堪沙澗外離

思亂歌塵

即事

子威

茅屋亂山下寒原夕照間
秋翻波浪白江染荻
花班草際時乘屐
霜中獨閉關自令傷物色
何以駐衰顏

閨思

季朗

萬里長河斷空房青鬢秋
燕歸書未到花落鳥
同愁春送香裙淺寒將
樹雪留金微良不遠清
夢昨來遊

夏日

子威

初日出煙升炎天光轉激
踈渠高映柳移蔭落
依藤太傅能題扇支公本
愛鷹清風莫更惜餘
興一堪凭

其二

嬌陽停午院修竹入炎蒸
花少何郎粉雲輕齊
后繒高窓暄更徹虛閣晚
相陵安得塵歎靜飛
流獨可乘

贈徐山人

季朗

徐市訪東海安期或可求清風千載後名與白
雲流爾祖高秦史余生好遠遊何當携子去采
藥到玄洲

城南晚望二首

子威

秋色湛湛揮秋容淨可依郊園平慮紫沙嶼石
帆飛竹密藏煙碓川空落釣磯經途還拂夜露
下款江扉

其二

落景照青樽餘花點綠村川原催白日秋草又

黃昏星欲搖江郭潮應到海門此時盧子諒能
不恨劉琨

泛江送客二首

子威

春風送遠情細逐浪花生樽酒非難醉關山自
不平亂流芳杜氣挂席片雲明別後重相憶江
聲急更鳴

其二

萍浦夕煙輕風江楫又驚高城遙倚恨孤劍獨
關情草木颺颺泣林巒狻狄清無因寄疇昔虛

遣思縱橫

寄璞姪金陵二首

子威

日暮臨高臺朔風吹鴈來天危清露發身遠大江開未覺雲霄迥偏生城闕哀青衿知爾在莫不樂英才

其二

南國霧偏深江山歲月沉相望盡一水離贈又孤岑鳥没平沙曙雲流斷塞陰通書吾尚惜爲爾寄朝簪

贈徐生二首

子威

白首如皇臺曾游上地來著書稱馬走儒者自羊哀獨有安危計非無治亂才何時引門下綵竹後堂開

其二

聞君仍苦節牢落不堪哀才大時流挹經明後輩推桂枝山郭冷秋色海雲開何必重投檄寧親卽老萊

雨中莫生見過三首

子威

林雨近簷收榴花酌更浮開軒待山鳥寫眺得
田鳩名峽鎖雲穿磴溪翻日亂流散居濠濮似
幸可共淹留

其二

誰能與季游淹息此山陬燕掠花間雨心閑石
上流世人青眼在杯酒白雲翳堪笑平生意曾
無場圃謀

其三

處士三經業公車累歲求蒿萊虛委巷猿鳥戀

青丘結客通輕俠游閒倚少侯爾無卑服鄭吾
已失應劉

謁講主

子威

欲得清涼義時來禮應身妄生諸有得假合自
非真法性周沙界因緣盡剎塵當能成等覺爲
爾見金輪

送道士游南岳二首

子威

何處訪蓬丘朱天一笠游祝融逢石室星舍入
觜陬禽術門人學鶴飛丹竈留冲凌不可見峯

上白雲浮

其二

驅鶴下丹宸，煙花礪壑春。遙來八品治，默禮九宮神。日月長生訣，山河大劫塵。明朝石梁上，從此謝時人。

宿鄭鍊師房

子威

靈岳入仙都，迴看青靄無。陰霞背日冷，金液隔年枯。爐冶鐘山玉，手携軒帝符。不須婚宦立，便可躡雲衢。

艷情

子威

風度頻移管，江開復近筵。迴波縈舞並，流雪綴行偏。香引緜池霧，歌清太液蓮。從知心自艷，偷眼未能前。

觀獵

子威

廣埒被河濱，波騰駭逸羣。石梁虛飲羽，燧火別燒雲。風勁鳴骸的，煙飛碎臆文。還因鄭長者，爲廩慎齊君。

送劉朝建太學二首

季朗

候館初停騎前途更上樓遠山低樹色清月澹
江流汗漫吾慚汝蹉跎歲復秋長歌一相送激
烈暮雲愁

其二

若翁真間代之子善爲詩泣玉吾頻獻懷珠爾
莫疑虞卿干趙日蹇叔入秦時愧似揚何易傳
經名我師

江上東還

季朗

落日逐飛鳥奔流催暮帆長江一以眺水石共

嶄嶄才豈龍須畏名寧壁可鏡泥塗蒿目在何
必問陳咸

舟泊

季朗

江側買薪泊橋邊進艇慳喜來荷葉港相望鳳
皇山詰旦催搖櫓晡時定過關浮生知有幾作
客每摧顏

江上曉發

季朗

京口裝仍發歸船雨復留古城荒草曙野屋斷
煙秋寶棄嗟和氏津迷愧仲由英雄千載淚不

灑大江流

閒題

季朗

傲骨素不折卑身良所羞
龍門非爾易鼠穴豈
吾求霜落芙蓉色風寒水國秋
白雲飛不盡留
作楚宮愁

贈普照僧

季朗

開士得證果定生忉利宮
溪流雲不染禪性月
俱空花雨石牀夕潮音梵唄風
余方苦煩惱豎
指悟神通

送張仲實遊會稽

季朗

復作會稽遊江雲送客舟
遺蹤司馬在古簡禹
王畱浮海崔亭伯能詩沈隱侯
丹青況神解仍
不負貂裘

詠雪

季朗

客賦梁王苑風迴洛水塵
哀歌黃竹冷間舞落
梅新光吐非關月花開不是春
將同流徵調寡
和郢中人

元夕張幼于生日燈集二首
季朗

列坐盡鄒枚華燈錦障迴光隨明月滿花逐夜
珠闈羅幌低銀燭金枝亞壽杯于春長此夕歡
賞共追陪

坐密更忘永宵寒酒覺微畫堂長不夜黼帶半
流暉嘉藻爭燈色嬌歌妬舞衣人間同此夕勝
賞似茲希



比玉集卷五

七言律詩

寄憶于鱗

子威

薄姑城內有高臺，千古登臨氣壯哉。
海岱復誰能縱飲，風塵嗟爾獨論才。
緘書落日河流急，萬國清秋鴻鴈哀。
悵望舊游成白首，可堪明月憶人來。

其二

海內爭傳李君獨，憐蕭瑟未離羣。
關門樹色

上三集卷五
懸秋雨濟北河聲注白雲驟入齊風多感激廻
看吳岳半網緼憶從罷起郎官草漢闕誰飛喻
蜀文

賦得泰山送王侍郎

季朗

淮揚千騎過東藩岱岳崔嵬勢獨尊大海流霞
銜日觀長河飛月抱天門功成伯禹中邦賦位
拜神堯北極恩機暇倘求封禪草勿云江國
有文園

對花懷季朗

子威

故園春色自應多獨倚東風柰若何已道看花
情總廢無如頌酒力全過綠煙荏苒他年淚芳
草流連異日歌慷慨莫悲身世晚雄飛時覺轉
蹉跎

和章憲使登闔城二首

季朗

斗絕金城百雉開西標闔闔象天臺地連萬島
雲中立風掣千檣海上來霸業只今空蔓草才
華自古歎蒿萊即看落日寒煙起慷慨狂歌一
酒杯

其二

重樓迢遞俯青霄千里關河入望遙
倒影群峰隨浪躍半空孤日抱雲搖
東南財賦憑誰給西北風煙可自消
相國總籌天下計安危今喜翊
唐堯

賦得靈濟宮

子威

空碧何年構羽房香童玉節散煙芳
瑤壇宛轉星河上飛步逶迤雲雨旁
漫有少翁能見物虛勞齊士更言方
從知八極堪揮斥中夜猶應醮

紫皇

八月十九日發揚子

季朗

長風破浪蹴雲開千里帆檣片刻迴
江接銀河天上落山橫地極斗邊來
金從司馬堪沽酒壁獻荆王可愛才
十載道旁空按劍高秋猶憶鳳皇臺

贈袁人黎生二首

子威

青楓江上日蕭疎西去蒼煙極望初
天際遙開廬岳阜雲邊忽枉豫章書
溥游四海今誰是高

士南州昔未如一
向行人相寄憶
臨流莫自斷
雙魚

其二

千里誰能擁漢
繻獨將詩興寄
江湖樽前拂劍
吳雲白座上投
人楚月孤瘴厲
春消開瀨水波
濤天盡出洪都
舊游彷彿吾猶
記願得從君覓
酒壚

贈黎仲子三首

季朗

何人結客少年
場芳草長亭正
夕陽忽見雙魚

來萬里始知尺
素下三相布衣
然諾輕朱建冠
蓋縱橫憶鄭莊
郢曲自來多白
雪遲君早晚賦
長楊

其二

宜春遙望思悠
哉黃圃春深一
騎迴行雨遠從
三楚出斷雲時
傷九江來何年
吹夢過衡岳有
客移書到鹿臺
漢室若紬金匱
事因知還待馬
卿才

其三

美人遠道贈琅玕倚劔空悲行路難曲裏陽春
堪自賞琴中流水爲君彈長虹忽墮荆門外孤
月遙依楚岫端寄語銜書青鳥使不知何處是
江干

新月

子威

纖纖拂澗影初懸向夕林飈映始鮮負海氣深
驚似雪隔河鈎淺詎如蓮襟情故自同清勝賞
率還將共可憐空駐妍華堪在眼風塵誰傍醉
歌前

無題二首

子威

憶君裘馬在邯鄲十載空名鬢色殘肝膽一生
談咲易風塵舉世結交難徒勞置酒張卿壽無
復通書李布歡總是舊恩何以報寶刀橫向膝
前看

其二

重裝何處不逢迎賓客休將楚字行勾踐筵中
看意氣翟公門上見交情鳴箏急調還堪絕倚
瑟瑟歌半未成謾道一言相爲死由來知遇使

身輕

贈別駕劉使君

以給諫左遷

季朗

禁垣宮漏出彤墀
月轉花陰望欲移
諫草半函題史策
彈章三殿肅朝儀
金莖曉擢仙人露
瑤圃秋餐楚客枝
社稷久須長孺在
淮陽聞有召君期

送人之蕭縣二首

子威

念爾何因興獨豪
離亭此日盡尊醪
相看共指長虹貫
拂袂先驚大白高
馬首風煙餘涕淚
故

人江海憶緇袍
預言莫使歸期後
楊子秋深又暮濤

其二

長淮西指莽蕭蕭
芒碭雲深半寂寥
風雨托靈遊楚夜
煙花搖棹去吳朝
徬徨已覺中原盡
夷蕩常爲孺子驕
君到淮陰祠下過
不知霜色爲誰消

送人赴蕭二首

季朗

客有西行陳孟公
翩翩俠氣舞青虹
浮雲萬里

驅垓下落日千山過沛中白眼風塵還匹馬青
尊湖海又飛蓬江南芳草如相待祇憶王孫蕙
帳空

其二

惟楊江上暮潮來灑莽平原一望開北走黃河
雲欲墮西瞻嵩岳鳥空回游談忽覩雕龍語歷
落偏驚倚馬才君去倘逢漂母問言余今日更
堪哀

同季朗過開元寺

子威

浮雲千載一憑軒天色遙低浩蕩言不覺流寒
花藏繞起看吹月柰林翻自知偃蹇輕黃綬誰
復時名傍綠樽爲語遠公應大咲莫令松栝碍
來轅

懷孫黃二都尉

季朗

早春花落香紛紛夢入清溪臥水雲幕府正須
何記室江鄉空憶鮑參軍緘書將去渾無鴈芳
草愁來半爲君幾日山陽吹折柳暮煙悽斷不
堪聞

出塞

子威

白草河邊鼓角嚴前軍大纛畫飛廉留庭戰合
胡沙急絕漠塵昏漢月霑吏士尚持戎落遁單
于新中國兵殲盡收北假榆中地護作應須使
者兼

寓日

子威

長巒倚日礙蘅茅空樹煙稀露鳥巢苔覆堦前
紅子落影移林上白雲交徘徊庭戶風嘗滿清
澈人情竹更敲莫比楊雄文字癖爲耽閒散寄

青郊

同黃徵君孫衛尉集章臬憲第 季朗

紅霞初落曙光開芳宴欣陪文騎來蕙草生花
香舞席江鶯送嘯入歌臺勝遊不羨南陽賞飛
翰應追鄴下才白雪由來難屬和慚余何以奉
清埃

閨思

子威

十載蘭枯夢亦迷秋風萬里入寒閨短書欲寄
雙飛燕離恨空殘半面啼羅幕霜含邊月近黛

鬢愁入朔雲低傳聞都護圍方急使者旌旗度
隴西

述懷

子威

搖落如予重可嗟驚魂長自倚天涯交游已爲
黃金盡世路空成白首遐何處雲山迴片影還
能意氣抱孤霞居常高簡君應見寂寂巖阿滿
桂華

登江中觀音閣

季朗

亂石迢迢插斗邊客心欲墮片帆前清才早擅

慚江總孤閣秋登憶仲宣地坼長洋浮日月天
迴東極下風煙憑欄却羨西飛鳥雙翼橫空望
杳然

次季朗江閣

子威

江心孤閣倚迢迢無那登臨客意消樹影半天
浮片石風聲兩岸落空潮少年辭賦憑誰壇往
代豪華未足驕行矣故人重自愛次卿名譽正
須要

行次

子威

川梁風日淡無光岐路東西游子傷憔悴豈堪
悲燕領驅馳還復道羊腸一朝雲雨驚相失千
載椒蘭故不芳誰爲援琴抽白雪向來天地自
青陽

閱漢武故事

子威

壽靈壇接降靈壇香桂風來流影丹十丈寒荷
霜下卷千旬碧酒露中看携將日月懸金鏡裁
取雲霞護玉鑿最是春歸王母唱繞梁三匝和
歌殘

其二

五葉乘辰應漢家流精宮闕照寒霞霜條篔簹奏
來雲曲芳苾燈含碧棗花中夜神靈游灞澹何
年風雨過瑯琊祇今不見宣防下半坼驚河岳
勢斜

山中作

季朗

白雲朝從山上落飛作山中金鳳凰白雲忽散
不可見宇宙萬古長蒼蒼山人露濕芰荷佩客
子風吹薜荔裳獨立徘徊還獨嘯芙蓉花落冷

瀟湘

雨夕燈宴

季朗

芳筵列坐敞華堂
元夜朱燈結采光
影落金杯浮菡萏
燭搖紅壁舞鸞凰
還將照乘輕梁國
直以揮戈笑魯陽
共道春陰遮絳闕
何緣明月在雕梁

月夕燈宴

季朗

彈絲奏管淹嘉夕
酌醴包羔舞翠鬟
明月自懸天闕上
華星却在棟梁間
金屏香灺梅風煖
珠

箔光生綺席
殷燭夜自疑
嵩岳會凌空
不羨廣陵還

送徐太史

子威

使車朝發白雲邊
萬里春帆細雨懸
正憶鶯花江上月
可禁楊柳薊門煙
蓬萊氣色揮毫裏
漢署風流獻納前
聞道聖朝行幸少
知君未擬賦甘泉

其二

曙後仙雲禁掖歸
葱曩佳氣映駟騅
千年重際

聲華代萬國新開日月輝
花露迴看沾淑景香
煙正耐入朝衣恩波鳳沼深如許
即使歌成和轉稀

送徐太史二首

季朗

晴雲初挂片帆前
鳳闕遙依曉日邊
闔闔鐘聲浮夜月
大江波色亂春煙
禁中漏近神仙署
天上花深侍從年
黃閣祗今勞夢卜
聖明方欲倚才賢

其二

奏策當年第一人才華
端不讓先秦蓬萊視草
風雲入金匱
紬書日月親萬國
共趨神禹會三台
長奉屬車塵
憶從黃鵠飛千里
淮海猶占紫氣新

送魏氏之義興

子威

古來才俊號江東
落筆何人海內雄
九野雲陰低楚嶠
千門月色度春鴻
東曹奏記能推士
憲府徵書重采風
延攬定知文學議
爭看折節下羣公

答劉大夫贈行之什

季朗

將船載月度荆溪山水清人道不迷歌入虞虞
悲自壯橋從駟馬笑誰題長憐落鳧猶懷謁忽
枉來章盡吐霓為謝故人勞信使慚無鮫客數
行啼

山中探花

子威

游策春輕歷翠微山迴斜日下風暉江潭氣暖
花爭放玉笛煙橫蕙欲飛片雪不禁生暮色殘
霞無限帶林霏揮毫正爾時名賤何似天涯望

未歸

和劉大夫看花山中

季朗

花山春淺映微微越布輕涼落翠暉簫管從風
吹欲散煙霞將月墮還恐飛坐來壑色生衣帶吟
罷濤聲入暮霏千載幾人曾共此因君麗句自
忘歸

憶廬山

子威

廬岳雲深翠色重屏風九疊倚芙蓉虹霓日射
康王谷河漢秋懸玉女峰巖上游龍飛瀑水墮

中積雪灑長松石梁更出天池側慧遠匡君總
未逢

塞下

子威

殺氣秋城暗朔雲護羗中尉獨要勳長虹夜出
占摩壘太白西看指破軍
搆馬劇馳罷大漠隻
輪終不渡焜澆何須詔下谷侯應天地生成自
未分

憶蒲中

子威

故情年鬢兩沾裳東越炎蒸路淼茫霧雨一溪

樅檜色錦雲千嶺荔枝香窮溟波動龍蛇出絕
障林深虎豹妨總道薄游非我意豈知明月是
他鄉

戲贈魏君

子威

知君不減魏陽元暗憶寧誇日萬言奇氣自來
殊矯矯逸才聞道更翻翻從教顧問虛前席爲
奉絲綸在北門况是楚詞誰得似一時文體獨
高騫

賀魏氏遷居

子威

朱甍迎日構華棲北望三條綺翼齊已有豪華
連甲第更看仙榜映銀題雕屏宛轉延虛爽齋
閣新成覆綠綈未可高梁驚賀燕君今早晚向
金閨

送伯起兄弟隨計之北

季朗

景陽兄弟舊相親冀北雙飛寶劍新氣壓岱宗
輕翠色筆搖滄海動黃塵青雲天上多流輩白
雪尊前少故人薊草蕪花千萬里金閨誰憶薛
蘿春

其二

君家演鏡總時英偕計同爲帝里行金露曉
橫仙掌色翠華春倚鳳凰鳴論才舊是稱雙壁
作賦今看擬二京自笑孟嘉空落魄道旁贏得
送人名

同道華季朗候月玄墓寺

子威

禪宮高擁北湖陰遙夜空林月色深鏡發蛾眉
堪咫尺波搖珠闕較千尋迥臨牛女光恒滿始
度房心漏欲沉長望一將携手贈清秋萬里思

能禁

候月靈巖

子威

吳王宮苑向高秋銷落空為千載愁絕嶺桂含
垣樹隱入堦雲拂珮鬟留徬徨斜漢遙相待澄
映淒煙迥自浮豈及繁華傷故國青天無限月
還流

仲春雪夜王憲使元美兄弟自海上至表

進士魯望宅共得先字

季朗

列館高歌白雪篇縱橫彩筆映芳筵猖狂自合

慚巴調巴人之曲傲岸誰將薄惠連惠連有萬
里黃雲江燕後千家玉笛隴梅前扁舟大有山
陰興不讓王猷在汝先

同道華季朗宿楞伽山寺二首 子威

青冥不盡落幽溪煙色千重杳共躋乍愜寒陰
清竹院可堪春夜託霞棲枝間雨宿花偏潤林
際風含鳥未啼莫便冷然吹夢去游思正遶嶺
雲西

其二

溪山一迥掛青梯宴坐窓陰樹杪齊晚氣自令
滋碧霧空筵易得墮香泥雲邊髻色羣峰小寺
下瀟灑亂壑迷蹤跡總隨流水去共君門上不
須題

再同二王諸公集張伯起園得梅字

季朗

名園春日逐鄒枚閣道逶迤看落梅流水高山
驚逸調暮雲芳草怨離杯黃金未結燕臺客白
璧寧同楚國材薄劣祇餘山簡興習池風景日

徘徊

二王當晚發
故中句及之

古意

子威

紫玉爲簫按曲新弱從纖草鬪腰身掌中柔骨
千嬌態意外風流百種神見拂輕鈿驚粉色已
愁逐彈過芳塵如今運肘渾無力夢裏韶華十
九春

其二

艷生瑤質散嬰香露浥丹華並玉芳鴛帶弄煙
縈婉黛星題飛韻結流黃雙纏翠柱空將憶連

舞春心不暫忘自倚管絃偏得意時時停曲待
周郎

山中寄薄遊 京師者 季朗

明月向人清且閒天高木葉愁空山鳴琴不恨
廣陵散上書直入長安關片雲杳杳落天外寒
蟬悽悽抱樹間涼風蕭瑟鼯鼠泣浩歌濯足滄
江還

留別劉侍御 季朗

醉酒狂歌吳市門故人把袂一清言羊腸道陜

不容憶雞足才高難叩關誰解風塵憐楚王相
看詞賦薄梁園因知長鋏歸來日還憶田嘗下
士恩

荅季朗言別 子威

十年回首故交存萬事傷心一點蒐滄海釣竿
成獨往雲霄風力恨孤鶩長懷故國霜前鴈伏
枕高秋夜後猿嗚咽不堪重倚和此生行恐絕
扳援

中秋夕乘月湖心 子威

五湖煙水抱清秋萬里高天露未收不定波光
全閃閃動搖空影故悠悠沙邊鴻鴈何時返鏡
裏魚龍無限流甯信吾能追博望是誰同與弄
珠游

看月懷家兄

季朗

月挂銀河淨不流名山况似庾公樓芙蓉半落
煙中色鴻鴈全禁笛裏愁萬里關河清夢斷五
陵裘馬故情留江南大是堪臨賞祇憶雙魚未
可求

往歲識張君久不聞問今其弟來 子賦
忽聞西道季心來云是淮徐劍客才此日路傍
成邂逅異時行役重傷摧陰陵寒雨精靈泣大
澤風雷鼓角哀莫怪少年輕意氣何人能顧不
然灰

贈逆旅主人

季朗

故人惜別悵斜暉此地逢君意不違起舞縱橫
衰寶劍酣歌慷慨怨金徽浮蹤歲月堪成夢多
病關山未息機一飯肯忘漂母德可憐猶臥釣

魚磯

立春日集幼于齋邂逅王生 子威

藉爾高齋興數開仙郎重集漢京才正思芳草
成歌調忽見飛花近酒杯不盡青山將臘去可
禁春色犯寒來逢君大是王猷輩竹裏何曾造
次回

送人入洛

季朗

孤棹悽悽入河漢浮梁杳杳對羣峯到江明月
八百里吹笛關山千萬重春意定歸西洛柳客

心遙憶上方鐘天涯亦有南飛鴈祇恐征書不
易逢

壽章母曹太夫人二首 子威

河嶽氤氳霽色來雲華白日滿瑤臺 恩承西
省仙郎貴 詔賜東征作賦才玉律管中持奏
酒金莖花裏用浮杯綵衣醉挹慈顏喜桂子秋
風萬里開

其二

漢史墉宮受策年雙成鍾石拊賓筵崑陵海上

瓊函至織女河邊絳氣連
遂取陰陽調六鼎
此時炎暑却虞絃
玄都有子俱真伯
爲問朝元歲幾千

曹太夫人壽章二首

季朗

仙筵初啟集群才
式燕還欣厠馬枚
海上三山看鳥至
人間千歲待花開
書傳玉簡銜恩重
楂借銀河泛斗來
願以堯時甘露酒
更添金母萬年杯

其二

曾過曹姑仙子家
昆臺宮闕挂飛霞
黃金九轉芙蓉火
碧藕千常苗苗花
羣從青雲看器業
使君白雪映才華
何人更倚高樓望
蓬海迢遙亦未賒

磅礮山有千常碧藕七尺曰常

寓懷

子威

束髮趨朝同事主
浮沉中外自初分
哀時豈使瑕瑜辨
抗已寧辭芷杜焚
任以妄庸輕魏勃
誰能緩頰過田文
歸徒壁立知何計
變徵悲歌未忍聞

其二

憶從清憲忝非才
萬里中原攬轡來
務絕知交同趙禹
能將個儻並公臺
橫驅羣議空流沫
矯首三川總擴開
莫道平生無感激
可堪栖薄委塵埃

戲爲壯歌贈衛生

子威

少年游俠總無成
憤惋空令氣不平
匣裏豪曹鱗意失
門前絕影重心驚
赤身自可驅恩遇
徼吏無煩問姓名
莫道荆吳輕薄盡
畫奇今有衛

先生

其二

西市相逢仗劔行
髭鬚拂拂丈夫情
誰令貧賤身逾重
能使賢豪意獨傾
貫酒定須從武負
停車莫不過侯羸
從來唇舌真堪貴
千乘爭如一諾輕

贈王中翰

子威

秘書詞賦二京才
晚向煙雲興每開
可羨露華仙掌下
自緣秋色太湖來
人間白玉千常觀
海

上黃金方丈臺最是韋平勲業在夜深占氣入
中台

章道華席上

子威

高館新暉麗復清東南車騎此時并使君樽酒
風雲色上客悲歌今古情況是餘花如霰落豈
堪垂柳帶煙輕飛光忽動芙蓉劍醉裏相看暗
自驚

莫公起楚臬叅河藩奉送

子威

樽前送客吳雲白一曲驪駒震澤深霜鉞動搖

衡岳色使車重俯大河陰向來供奉還天地此
日推賢共古今宛洛相逢舊冠蓋山川何處不
蕭森

送張太學扶持歸越

季朗

江潮初落片帆開聞道公喬侍母迴萬里浮雲
天目嶺千秋烏鳥越王臺風塵偃蹇青虹色意
氣憑陵白雪才到日擊鮮觴父老令威華表重
徘徊

時人新有所納

季朗

絕代佳人似莫愁楚臺向晚下粧樓紅情暗落
飛鳳調黛色輕移拾翠洲爲道安昌弦管在定
將神女洛川遊王家短犢無勞問隔幔歌聲且
自留

戲和季朗艷情

子威

流雲飛閣散香塵行雨偏多浣翠春顧步羅襦
爭艷冶低光瑤薦鬪芳新含情已命江南管流
思空禁洛水神欲奉更衣嬌上客其如風露不
憐人

偶述

子威

憶辭天上無何日誤落人間已二毛慘淡風塵
還自若蕭條情思不勝切當歌未減成虹氣命
酒徒揮五色毫莫怪從來輕薄甚祇今高笑尚
吾曹

贈嚴山人

季朗

君平棄卜着蘿衣晚歲移家住翠微煙外藤花
隨澗落峰前瀑水逐雲飛青山不到浮塵色高
調堪憐白玉微向夜江關占斗氣采真知與市

朝違

贈道華

子威

君今高臥向林廬三府徒聞下辟書牢落不堪
迎手板棲遲未肯到公車自應謁告風塵後總
為投閑歲月餘相見此來尤恨少抗心真與世
能踈

贈張給事

季朗

鬱芻佳氣漢宮來畫省仙郎託乘陪日月秋高
長樂殿封函朝入建章臺羽林諸將遵成算沙

有邊才

漢名王獻

壽杯若向禁庭求頗牧無如充國

樓下白芍藥移自金陵

子威

麗草柔煙半不禁風飄雪色散堦陰酒邊尺素
他鄉遠句衰年芳故苑深憶昔青絲歌皓齒可
容纖手贈愁心朱樓舊是繁華恨檻外天涯思
總任

姪田自宋中歸

子威

蕭條宦跡白雲飛莫歎塵沙萬里歸
毫社驚心

還漢吏商丘回首失虞機空霜遲暮憐游子涕
淚關山暗客衣明日西風又蓬鬢天涯何處繫
征駢

寄中丞姪畿二首

子威

開府銜恩好策勲地雄東越盡炎雲為傳漢闕
黃金 詔曾謁秦時滄海君指顧風雷機並入
紆謀河岳勢全分幕中不乏熊羆士誰勒銘功
鷄鹿文

其二

蓬萊赤日倚潺湲使節青霄領百蠻銅柱千年
開漢壁軍聲萬里落胡關風占大旆雄虹繞星
閃雕戈朱鳥閑
今上龍飛况求舊幾回霜簡動
天顏

齋中

子威

小苑焚香刻意吟春雲太華與高尋緘書鳥外
蒼涼盡衰病尊前繾綣深巖桂再花隨滿眼腰
章重繫總無心兒曹莫謾輕相笑佚蕩王孫已

不禁

與徐生

子威

風塵為客舊蹉跎把酒千山一浩歌狂齋
人名
非肯隨齊士後屠羊能向薊門過雨中北鴈高
秋盡江上青楓落日多未信一經堪白首從教
談舌似懸河

奉贈季朗金陵四首

子威

矯首人間漢道融遙來憑軾欲分功亦知冠冕
無妍醜肯信風雲有異同父老百年思故絳山

川六代重今艷君逢諸少還相問誰識東京鮑
氏驄

其二

白門秋氣夜鍾殘落日孤城鴻鴈寒尊外故人
霄漢在離前雙劍斗牛看新詩憶爾芙蓉露予
告慚他及注冠安敢書生論世事褰裳真自畏
波瀾

其三

看君馬首向風塵把袂悲歌泣路人天地若為

多變異江山差自劇愁辛夢中不識臺城月句
裏能攀郢樹春萬事已知成爛漫此身那得任
陶鈞

其四

浮雲千古有無間意興終須藉爾刪抵玉道傍
從側目懸珠日下總開顏惟吾矯抗愁難並何
物猖狂強欲扳莫惜相思耽省署不將笛裏寄
關山

奉答劉御史四首

季朗

日暮商歌不可聞芙蓉雙闕正氤氳憑陵萬象
橫秋色指點三山下曉雲 漢主先收鹽鐵議
甘泉更奏子虛文 帝城舊是行春地遺老猶
能說使君

其二

曉色蒹葭四望開孤城送別使人哀千秋王氣
歸豐沛萬里風雲到酒杯睨筆漸輕鸚鵡賦吹
簫先上鳳皇臺思君不隔西江水九月登高鴻
鴈迴

其三

負劔長歌思慨然
津亭楊柳挂朝煙
因從霸客游梁日尚憶
先皇卜洛年月轉桂華
宮樹外秋生金井御溝前
鳳城遙見雙飛翼
忽墮雲中伐木篇

其四

獨坐聽君奏玉徽
調高千載貴知希
秋來風雨三江入
西去關河一葉飛
處士深文甘虎冠
窮途瀝泣問牛衣
花前正喜逢新霽
搖筆爭馳白

日暉

附

荅贈劉子威侍御二首

李于鱗

吳客棧書問轉蓬
姑蘇臺上起秋風
七星已佩干將劔
五色還乘鮑氏驄
江海雙懸精自合
陽春一曲步逾工
只今曾照西施月
多少娥眉畫不同

憶昔風雲滿 帝鄉同時射策向
明光一毛

宛在中書日 匹練遙飛御史霜
北海青樽開

岱色西京綠筆照河梁非君尺素三江下爭
得秋聲入雁行

送李倅之淮

季朗

遠山幕幕送征鞍古驛蕭蕭帶水干宦薄不妨
同逸少才清共道似邢巒春歸淮樹雲陰動花
傍衙齋雨氣殘三十爲郎名未減校書無藉解
嘲看

殷孝廉壽詩

季朗

晉代元推殷仲堪才華當日映江南山窓曉翠

開簾入竹戶春陰帶雨含天地一杯消睥睨
塵千載付沉酣于今玉樹森森發不羨金沙貯
石函

王憲使元美席上送李憲使于鱗赴浙三

首

季朗

海內何人第一流使君風節映高秋三春
闕來徵檄千騎東方居上頭湘楚正看王粲賦
關門忽共李膺舟商巖須爲當時起夢卜仍勞
聖主求

其二

樓船伐鼓下西關共喜 君王詔賜環江上行
春褰碧幃越中開府對青山高文百代終難酢
抗節千秋不可攀別後步光雄氣在清宵長望
斗牛間

其三

漢主徵書下建章使君旌節傍川梁才華總入
秋河色天地新迴白日光憲府籌兵清大海
上林校獵賦長楊人間夙昔傾風采于越于今有

鳳凰

元美席上送于鱗起赴浙憲 子威

燕市相看萬里分吳都重此遣夫君征車乍起
東山詔海色先開秦望雲膝席故人多感槩衝
天匣氣正氤氳無嫌使者行風俗名在 先朝
聖主聞

其二

徵書十道辟賢才高選儒臣卽拜來江勢連雲
新案部山形入越舊登臺千秋濶節滄瀛折絕

世詩名白日開早晚宜逢朝請使東封
法駕會須陪

上楊太宰

子威

上宰忠勤社稷功古來名德有誰同
山川何意尊嵩嶽草木無私出化工
行酒玉階迴內宴歌虞仙樂入薰風
不須更說東華伯紫氣燕中望未窮

其二

自提銓鏡統羣工曾以金戈壓塞雄
北極恩光

開曙色泰堦珠景霽烟空花迎曳履蓬萊上
詔賜安車紫禁中身繫兩朝天下寄
卽看疏爵冠三公

其三

宸情歡洽萬方娛幸屬元臣運斗樞
可道飛熊來護蹕已知黃石授兵符
平分四序勲名重際會千年寵數殊
况是三台齊色夜卿雲不散鳳城隅

其四

地轉天迴柱石尊清時九列治功存香煙盡入
南山壽雨露全為帝里恩萬象徘徊通御氣二
儀開闔自中原網羅已信無遺逸猶有當時願
掃門

贈王儀曹敬美

季朗

一代才華海內傾君家兄弟早知名荆王璧是
迎城價合浦珠同雙月明建禮高秋搖玉佩省
郎仙露出金莖上方雅向文章事石室應須
待長卿

顧文招遊靈谷寺予以疾不赴和顧作

季朗

靈谷迢遙氣壯哉群公清暇共徘徊山河百戰
招提在陵寢千秋日月開騎引松蘿雲外入
泉流空翠澗中來看君雄筆如枚叔獨少鄒陽
後乘陪

贈劉司馬

季朗

廟堂雄畧靜烟波諸將于今頌止戈令下風雷
驅萬馬功成天地隘三河主恩八座金貂入
相業千秋畫閣多予告正勞當宁待帝城

早晚聽鳴珂

贈袁吏部魯望金陵

季朗

少年擢桂冠時髦奕葉詞華白雪高詩憶金陵
推謝朓人傳吏部得山濤月明闕觀分秋色花
傍宮城映彩毫四世三公存漢代超宗殊有鳳
凰毛

送崇明孫尹

季朗

曾聞風俗返淳厖 恩詔東馳過楚江天下吳
公爲第一西來國士定無雙晨趨 丹闕搖仙

佩夜直彤庭對玉牕莫性省中章疏少祗緣
明主善爲邦

贈蔣參軍

季朗

列郡良家盡出兵總戎仍是一書生秋風半卷
三沙水明月高懸上將營汗馬天南消檄草護
羌漠北倚長城玉關倘佩通侯印不數當年龍
額名

分賦楓橋送別贈李師之宣城 季朗

楓橋楊柳暮烟生盡向離人縮別情天下規矩

李元禮雲中江樹謝宣城敬亭有酒花仍醉吳
市題詩月爲明前路正逢歐博士江都冠蓋定
誰傾

贈敬美儀部二首

子威

翩翩年少爲誰豪拄笏南山爽氣高落日千門
遙對酒晴雲雙闕映揮毫即看貴盛多宗從會
自扶搖失羽毛相望天邊開省署題輿不限廣
陵濤

其二

伯仲才名天地間蕭條清省絕能攀千年功今
誰將寄一代王風可復刪重以秩宗知故事由
來勲業誓河由高談轉見門庭內折簡時時有
徃還

寄袁吏部魯望

子威

少日袁郎海內名登臺無謝白雲情風流差自
輕千載詞賦那能減二京銓藻後來題目在彌
綸當世抗心平門多故吏時相問省閣今應比
父清

憶少司馬衡水楊師

于威

長鉞光芒黯自看
蒯緱空在為誰彈
功成已託冥鴻舉
激烈徒歌易水寒
南國青衿多受業
異時黃鉞憶登壇
亦知在眼漁陽路
無那津亭柳色殘

其二

慷慨常懷燕趙間
十年游獵竝西山
無言塵滓遺當世
猶有風雲暗九關
渤海殉知酬國士
中原危苦破心顏
先朝執戟真虛忝
肯信才從蕭

管還

其三

朔氣高都鳴瑟哀
悵悵千載未能裁
升車正復鷹揚日
學御誰當秋駕才
百折舊來爭瀚海
孤誠終恐動風雷
不緣關為將軍徙
天地寧令戰色迴

其四

常時憂國白頭公
高枕名當河朔雄
決策未終先食昂
羣疑忽起罷成風
但聞耆舊如方叔
敢

說門生比戴崇屬國只今思授鉞從天不擬下
關東

贈仲交

季朗

才名久已著江南流落蓬蒿祇自甘劍是豐城
誰識一璞為和氏獻應三清秋桂子吹香近向
夜江聲入夢酣欲采芙蓉寄相憶渚煙漠漠晚
能堪

袁吏部蔣比部殷駕部徐宮簿徐尚醫邀

飲東園

季朗

詔賜名園重股肱羣公徵客興堪乘山移閬苑
成仙島花借桃源作武陵高閣憑欄星斗近畫
堂行酒月華升歸途騎散長林外回首煙蘿在
幾層

同吳幼安金玄予夜飲余伯祥齋中作得

過字

季朗

高齋擊節為君歌歲暮天涯折菱荷旅鬢風霜
三楚盡帝京日月五雲多金徽入奏皆山水
斗酒相逢是薜蘿愛客燭殘仍不厭更邀乘夜

數經過

送歐博士楨伯入洛二首

季朗

早聞遷轉向中原
河洛文章可再論
調入行雲哀楚國
賦成白雪滿梁園
即看蔡氏車千兩
欲就安昌酒一尊
七首會酬知已在
鷓鴣光拭舊苔痕

其二

醉舞干將斗欲橫
抗歌激烈是秦聲
芙蓉夜向囊中吼
竹葉春從甕底生
狗監何人能薦士
兔

園有客舊知名
江山不解畱才子
又送驪駒向洛城

送王崑山擢禮郎北上

季朗

丹鳳銜書帝闕來
雙鳧飛翼五雲開
風神不減崑山玉
詞賦還憐王粲才
省署清華仍建禮
關河迢遞是燕臺
芳春柳色堪攀折
羌笛無勞曲更催

陸無從寄書與詩却贈

季朗

凌霜俠氣九秋寒
倚向何門缺可彈
蒿目乾坤

雙矚展蓬心江海一漁竿
漱憐白石知孫楚起
爲蒼生想謝安寄得驪珠還
徑寸夜來明月橐
中看

劉侍御壽讌

季朗

弱冠曾讌中祕書
惠文柱後捧鸞輿
關河歲月虛朝謁
霄漢衣冠任卷舒
今古論才傾百代
沅湘作賦見三閭
花前起奉千金壽
若木裁看日出初

送從子侍其母之山東兼寄家兄

送爾東遊思黯然
鴈行雲外隔經年
陳畱曹穀將班
毋鄒魯諸生得
鄭玄秦岱斗從
天半出黃河遙
向洛中連青袍
彩服宜相映可
憶荆花路幾千

季朗

送魏給諫使君二首

季朗

乘舟南下水雲間
暫謝蓬萊侍從
班海色朝看
銜蜃氣山風秋
聽撼鄉關殿中
雉扇由來近
江上芙蓉可待
攀檢點副封能
自奏肯從許

伯候

天顏

漢魏弱翁亦給事中

昔年治績見吳公賞借慚將賈誼同清畏四知
齊伯起入稱三善似蒲中綠緹 詔下輶車待
畫省香含 紫禁通一自使君承 告後幾回
夢繞 建章宮

送王侍御入朝

季朗

憶昨乘驄似鮑宣今來行部識虞延趨朝舊拜
燕臺日執憲新承漢詔年 雙闕雲中瞻 帝
座千官花底曳爐煙 廟堂久繫蒼生望知有

井霖下九天

送彭丈北試

季朗

江蘭江水入春天行雨行雲悵別筵自識干將
多紫氣誰從綠綺奏朱弦夢回彩筆花成藻名
擢丹青人是仙相對徘徊更相賞高歌一曲送
彭宣



國家圖書館, NATIONAL CENTRAL LIBRARY, TAIWAN, R.O.C.



比玉集卷六

七言絕句

送徐臬憲節制洮岷三首

季朗

廣武城邊楊柳新
使君持節入三秦
漢家若問平戎策
徐樂今爲第一人

其二

黃沙明月滿咸陽
一曲涼州欲斷腸
總道秦關能禦虜
不知邊塞有蕭張

其三

洮河日夜向東流馬上遙看古戍樓
羌笛正逢關塞月一聲吹散隴西愁

送徐使君三首

子威

使君五馬向臨洮回首秦城太白高
總是春風饒首宿俱邀關月瀉葡萄

其二

積弩臨邊春草生西河漕下放屯兵
因行勞問恩威外屬國爭傳使者名

其三

隴上旌旗發曉霜劍寒秋水月蒼蒼
曲中一夜催楊柳萬里功名屬破羌

送王和仲北遊三首

季朗

楊子江邊逢暮春柳條日日送行人
當年弈品推王抗和仲今應是後身

王善弈

其二

江上蕪香泛綠波可堪離思滿煙蘿
由來絕技無人賞浪跡輸君一着多

其三

三首卷
十一
薊門煙雨似瀟湘客子春行欲斷腸花月自來
隨地有黃沙何必怨他鄉

送弈者王生三首

子威

花前笛裏怨青春折柳關河贈遠人供奉定知
誰第一無嫌京洛滯風塵

其二

朝來長旆曳征雲薊北江東此路分共道少年
輕遠別莫隨孤月悵離羣

其三

山水高深思欲多出門無那馬蹄何君看世事
如碁局長路如今且醉歌

和章憲副艷詩二首

季朗

川長蘋綠水雲多風送笙簫入棹歌最是關情
空悵望沅湘春盡奈愁何

其二

翠館雲樓花欲晴新粧初就曉鸞驚莫愁艇子
知何處露濕衣香到月明

戲友人有所望不至四首

子威

綠煙生處遍薜蘿少婦城南色最姝乍可陳王
迴後乘那能含態照珊瑚

其二

芙蓉爲幟木蘭橈淺黛分明似孟姚若問門前
烏柏樹君家不記在臯橋

其三

紫燕斜從絲鷁飛垂楊宛地蕩煙霏纏綿未取
春風意直置花前金縷衣

其四

繡帳低垂歌舞深豪華莫慮擲黃金欲教月自
雲中墮會恐陽臺又夕陰

送張子八首

子威

相憐步步獨言分相送驪歌落日聞君自翩然
天上去遣教何處寄青雲

其二

把劍朝爲萬里游白門雲霧擁高秋側身天地
何由贈特欲因君擬四愁

其三

玄武湖邊草色多那堪相憶
耿星河山川舊是興亡地
誰作當時意氣過

其四

當時情寄自令親
此日離懷一倍新
但使鴛鴦謝明月
豈無潮水送行人

其五

潮水東西各自流
嶺雲朝夕思兼秋
路傍遙認青絲騎
知是君應居上頭

其六

十載詞場海內名
孟暘才氣最縱橫
祇言一夕生光價
併是文成照二京

其七

少年結客大堪矜
腰下龍文只似冰
醉向別筵歌變徵
遂令秋色滿金陵

其八

一自風煙落五湖
空將衰草送長途
欲知烈士心猶在
擊破床頭鐵唾壺

送張太學十二首

季朗

金陵秋氣滿金山行子乘舟殊未還盡向姑蘇
看月色不知清夢落江關

其二

策馬垂楊 帝里遊楚天雲影掛城頭相看意
氣雙龍在一躍平津萬里秋

其三

風吹浦口芰荷香花溆花深別思長江國祗今
鴻鴈少帛書誰復到他鄉

其四

二陸才華孰與多高談微義口懸河經生漫解
田何易取次論文總莫過

其五

采菱歌裏送情親鸚鵡洲中草又新且向津亭
暫爲別秋來同作異鄉人

其六

江水東流正渺然斜陽送客楚雲邊豪華六代
消煙草金彈輸他俠少年

其七

憐君十載落風塵此日飛揚意氣新莫道故人
關外少五陵冠蓋總交親

其八

日落煙波路欲分一聲鴻雁隴頭聞君從燕子
磯邊望無數青山亂白雲

其九

江荻蕭蕭送晚風冷然吹入楚王宮郢中白雪
還能賞托乘因憐鄴下同

其十

黃金結束紫騮裝奏賦平明入建章推薦定逢
楊得意直教金馬廁班行

其十一

青山馬上垂鞭盡秋水花間倚棹看張暢才名
誰得似賦成芳草徧長安

其十二

腰下青萍醉欲飛琴中流水和應稀江風自解
離人思吹落蘋香到客衣

送人義興赴講

子威

荆溪水綠楚時煙
片片飛花送客船
最是玄珠寒月色
齋心清夜說先天

送人之義興

季朗

姑蘇明月落荆溪
相逐行雲到水西
爲有玄珠歸象罔
且隨鬻缺問王倪

送季朗十四首

子威

河橋楊柳秣陵煙
尊外秋風江上船
纔覺出門堪咫尺
誰憐萬里自居然

其二

星漢西流月色新
相將浦口送情親
總言上國稱多士
君是當今第一人

其三

詞筆凌雲氣壯哉
仲舒儒術賈生才
聊堪一舉垂天翼
會使長風動地來

其四

屈景休論賦獨工
驚才落紙欲成風
祇教一日能千里
未足從君過目中

其五

東來憑軾動天文太甲高臨麗五雲一奏甘泉
秋色裏將恩共道不如君

其六

一片青楓怨楚山西風吹月滿江關相留可是
重相戀預恐清塵不易攀

其七

歷歷星榆墜露芳桂輪初夜度文昌芙蓉闕下
羣仙集最上班堦魏伯陽

其八

帆開樽盡不勝淒劍舞花飛夢已迷千里離心
鴻鴈後萬家煙雨楚天西

其九

客子行從吳苑來可禁秋氣肅高臺不知別後
青天月總有新詩誰爲裁

其十

白雲忽送廣陵濤海色遙凌天影高君在詞林
看意氣爲余西訊漢功曹

其十一

徘徊雙劍向秋陰自昔雄雌不可尋一夕匣中
鳴未已化爲煙雨楚江深

其十二

故人西辭鸚鵡洲白雲猶作故山秋煙波日暮
無窮思賦就還應千載愁

其十三

丹陽西望海雲深歲晚相違可自禁不放離樽
醉江樹未饒明月寫秋心

其十四

那堪送遠獨傷神江上聞歌楚調新試爲沿流
問漁父握瑜懷瑾是何人

答章劉二臬憲十四首

季朗

千里黃金高築臺共看郭隗自東來橐中明月
何人賞又向秋風送紫埃

其二

石城芳草閉秋寒洛詠何人似謝安江閣半含
蘿薜色不知明月在長干

其三

西來天入楚山孤
燕市停車過狗屠
千載侯生重知己
夷門忼慨淚痕枯

其四

欣接龍門御李膺
邀花泛水共憑陵
逢人若笑何遲暮
敢謂飄零似始興

其五

明公才藻自應殊
屈馬中原可並驅
會有廟堂樞筓待
可能淹泊著潛夫

其六

鋸鋸芒利可吹毛
半夜精輝斗並高
土蝕苔侵人不識
黃金千斛買鉛刀

其七

天將江水坼荆吳
山寫芙蓉酒一壺
千里寄心憑落葉
隨風吹去到姑蘇

其八

江中日月倚山根
天半星河次水門
一葉孤蓬落何處
扶搖吹翼薄崑崙

其九

守碓聊堪似魏舒長憐芳草歇前除天涯偶作
遊梁客把袂西風桂子初

其十

舌在因憐季子貧千金裘敝笑干秦江南大有
佳山水猶逐燕山市馬人

其十一

腰弓臂鶻武威西射獵山頭落日低挾得雙雕
顧人笑却嗤筆翰吐虹霓

其十二

爾着繡衣誇畫行余卧東山不買名因思京口
酒可飲倒挂玉壺吹紫笙

其十三

閶闔山前片葉歸離情秋思傍雲飛滄波明月
三千里流到江鄉露入衣

其十四

空傳謝眺有詩名月落澄江江水鳴木葉千山
寄秋色相思不隔石頭城

與客夜飲

子威

酌酒池邊石氣青
煙寒花落引踈星
水光收與芙蓉匣
千載孤心是獨醒

送別

季朗

吹殘羌笛楚歌新
月暗空堂送遠人
此夜別君多寂寞
故園芳草已無春

懷舊

子威

江上高樓思可堪
渚宮煙柳畫方酣
白雲半是平生舊
謾說辭交武伯南

春別

季朗

千金玉貌恩無比
一別芳春願已違
紅燭照君曾坐處
茗殘香冷泣沾衣

贈傑峯師

子威

傑公慧解出三乘
風雨幽巖然智燈
一衲行禪無學地
莫教枯却掛衣藤

入寺不見傑峯僧戲題

季朗

獸渡恒河白日明
他方乞食寶珠輕
伊蒲已落登伽處
宮下曇花空自生

戲題與魏氏二首

子威

酒歌吳市逐屠酤把臂連呼意氣麤昨夜握中
明月吐却看滄海總無珠

其二

霜天鷹隼擊高雲大鹵驎駒騁絕羣同是悲風
君莫惜黃沙落日不堪聞

戲答劉監察二首

季朗

醉來雙劍一青山風雨蕭蕭代馬還魏國盡傳
多照乘緯蕭側目定難攀

其二

龍駒霜隼捷如神側翅行空總絕塵一笑白雲
低岱華夢蕉嚇鼠是何人

送人從軍六首

子威

鳴鞭落日渭城西沙礫飄揚馬未嘶不見拂雲
堆上石軍圍一夜踐成泥

其二

萬里胡塵渡若飛直當一騎陷重圍男兒叱吒
尋常事誰不沙場意氣歸

其三

寘顏殘月暗鞬囊穿空征人晝夜勞但道將軍
猶矚踣誰將沽酒惜錢刀

其四

每將輕車絕漠過少年捕虜獨功多身行縱騎
當獍悍不放單于遁六羸

其五

傳檄降王欲召誅別從東道濟弓盧得當聊快
平生意首虜翻嫌左骨都

其六

燿火遙遙不記年角聲吹月落胡天秋風已入
空閨裏關塞何曾離枕邊

送人從軍六首

季朗

弓高鐵騎踏陰山大漠風霾暗紫關君在戎行
好奇畫破胡因得駛驄還

其二

貳師下宛置燉煌疾走康居殺過當趙弟軍中
最年少先登擊斬郁成王

其三

當戶弦弓仰射雕紛紛落翼下青霄定裏游騎
偏驍勇奪取焉支黛色消

其四

祁連山上暮雲愁鼓角悲鳴送早秋擊虜樓蘭
功獨最 詔書先賞從驃侯

其五

鴈門萬騎略漁陽風撲煙沙朔日黃 天子行
當臨翰海捷書先已奏明光

其六

將軍騎射躍龍媒萬里胡塵塞上來聞道匈奴
猶未滅朔雲極望使人哀

艷情

子威

綽約風鬟水佩輕微聞香澤已魂驚三星共道
今何夕莫遣花消梁玉清

其二

日暮淹留懷上官巫雲向臉拂輕紅關人莫信
春楊柳徒自漫漫舞碧空

詠藕

季朗

質如白玉心何冷身濯餘波意亦清總爲有絲
長不斷雖留七竅本無情

題畫

季朗

青山歷歷花無數明月江關千里度憶得當年
摘菊人白雲隔斷來時路

芙蓉樓送客

子威

石關踈雨過煙多分付微風遠渡河中歲逢人
易悽斷孤舟天際奈愁何

其二

醉酒高樓此別君袖中萱草惜斜曛月明水上
如相憶寄取瀟湘數片雲

送人入越

季朗

暮潮初落早潮來海上風煙夜夜哀惡少村官
正狼藉憐君獨上越王臺

送人之北三首

季朗

蘼蕪渺渺浪花香雲水蒼蒼道路長且聽琵琶
更終曲孤舟明日是他鄉

其二

萋萋芳草覆江沙燕子歸時不在家惟有海棠
花上月隨君千里到京華

其三

薊門秋色定何如片雨新生木藥初我向姑蘇
臺上望上林歸鴈寄君書

無題擬段文昌三首

子威

四海無家此路貧白雲孤劍向誰親報恩莫過
投金瀨說着平生笑殺人

其二

昔是掀髯美丈夫頻經邀戰渡余吾一從報罷
輪臺後淚落干將氣色枯

其三

獵獵紅旗邊馬啣蒼茫殘日五原四大夫夜放
前軍出報道擒生已破奚

戲贈

子威

蓬萊元是海中山總有虹霓未許攀君自高凌
天寶上何人剛道慶元間

其二

露華高掌盡清秋雪際冰河天半流直取金鳩
橫擘海不將朝暮笑蚍蜉

其三

親見當時楊子雲陵誇百代紛紛清琴豈是
人間調玄鶴徐來未可聞

題扇

子威

團扇新裁疊縠文幽蘭芳氣入衣薰為君題取
羊孚雪搖動時飛彥輔雲

贈醫王少虹

季

閭闔城邊王少虹曾將大藥壺公葛陂竹
如留得長嘯煙霞到碧空

題畫湘竹

有風雨陰晴四畫

季朗

風雨陰晴無定期蕭然標格映清漪楚王宮裏
花無限不及湘潭竹數枝

送戴比部按獄塞上

季朗

塞上黃烟白日昏慮囚使者出行窵倘逢魏尚
羈文吏須乞君王格外恩

其二

旄頭星落陣雲高昨夜將軍血戰袍莫道書生
無將畧談兵猶有舊龍韜

度江歌六首

季朗

雪浪冰濤萬壑雷江神手掣五丁來片時潮落
如平地席挂天門喜氣開

龍盤虎踞帝王都鬱鬱芟芟萬世圖已把南
山稱 聖壽更將 北極比黃虞

高帝衣冠月出遊 孝陵縹緲紫雲浮雄圖卜
世宜千億不獨長江擁上流

涸海掀山浪有無漁人舟子盡狂呼吳刀半刻

迴江岸赤鯉長鯨尾畢逋

古樂府云城上烏尾畢逋

雲暗風狂頃刻平舵工指點慶生成江龍昨夜
朝 天去分付波濤放客行

焦山東過是金山一艇西來煙霧間徃代才人
知有幾獨教謝朓擅江關

和人作賦得綺霞閣觀美人畫蘭

季朗

綺霞閣上似瀟湘彩筆俄成九畹芳絕代佳人

仍絕藝前身應是杜蘭香

又賦得美人吹笛

季朗

橫吹泠泠水共清
斷腸猶寄玉關情
章臺楊柳還堪折
盡向佳人曲裏生

送人二首

季朗

北指家山是白雲
暫衣攜手又離羣
江邊日暮憑欄望
玉笛吹時正憶君

其二

長干危磴倚雲根
送別相將白下門
開盡芙蓉

君不見亂山寒雨入黃昏





國家圖書館 NATIONAL CENTRAL LIBRARY TAIWAN R.O.C.



比玉集卷七

五言排律

化感寺

子威

八水捧珠筵崔嵬出梵天莊嚴畱絲霧妙相吐
青蓮呪嶺施龍日開林擲象年松風皆淨果烏
語是清禪寶地香雲滿寒空法性圓王城浮隴
樹鷺影挂秦川臺殿成金色山河寫綠煙氎從
貧女乞衣向竺僧傳名字皈心禮音聲抖擻憐
銅餅垂葉露錫杖涌堦泉發願憑仁者生漸賴

智賢

善薛名

無言易初證慈氏有因緣

夏日園居二首

丁威

雨洗園林出炎生澗壑俱松篁易暄霽天地失
榛蕪野馬煙絲闊池鯨石髮孤峯端清露下杖
底白雲扶穴暗龍蛇走山空木客呼風門未可
闕陰井不愁枯杯色芙蓉淺嵐光薜荔蘇縷霜
條紫鱸炊玉薦雕菘森爽還生思忘機且自娛
鳥來迎酒伴花落引樗蒲殘夜歌含雪滄江月
吐珠澄一此盡隨意寄虛無

其二

修竹入池涼蟬聲清夏長懸流束石險爽翠逼
簷妨閣倚陰崖半窻臨玉洞傍海苔畱渚色酒
味換花香高嘯含飛雨悽絃應擊霜蓮開攀華
頂枕上接瀟湘桃雪哀公座衣沾郗掾牀微風
銷白羽垂柳落煙芳帷薄鮮空霧紈輕讓粉光
層冰偏黍谷積氣自階廊抱朴行胎息楊朱過
賣漿因隣休伏日預恐謝炎陽

贈崇明孫尹

子威

君才自足驚宰邑若神明覽挑因多暇絃歌亦
復清縣樓通蜃氣候館過雞鳴岸入滄波盡帆
迴高鳥平法惟豪猾坐化以惠和成春澤皆渠
溉根株况刃迎閭閻勞隱恤阡陌重循行置水
稱疆直懸魚作頌聲屢還從事駕宜下太官旌
在昔表東海幾人循吏名

與季朗夜坐

子威

西宇城陰接長棹藻影垂地偏人共勝情遠世
堪遺宵柝深方徹帷風踈漸吹月流低便坐漢

轉入前墀賞悟談諧洽徵竒秘簡窺佞讒知在
卯傲客自稱箕緬爾投高唱欽子狎遁思雅遊
當日倦行樂仲春宜滄海叅軍作青雲騎省詞
一言傾意氣千載重心期濩落空將歎孰何終
見欺但消清夜詠安問陸沉爲

送司徒王公

子威

股肱厯夏服國計重司徒仗鉞疆圻待還朝
廟畧須風雲隨後乘草木戒前驅出祖江霞送
傳鉦朔氣俱寵光輝楚甸榮問照楊都細柳旌

旗引青壇劔佩趨深籌明貯積宏議重均輸疲
瘵仁應軫戈鋌澤自腴紺轅修 帝藉清蹕奉
皇圖望屬占台象機潛運斗樞千齡開禮遇萬
物仰昭蘇筭賦推雄伯經邦任大儒輕平今少
府寬隱舊東吳轉漕民偏賴持衡惠豈殊憂時
心獨許徇節體忘劬想見爲霖日恩先逮海隅

碧溪贈答

碧樹倚差峩江亭軒蓋過近人沙岸出迴眺野
風和杯酒薰蘭氣池光落蔦蘿竹低穿土薄雲

起渡山多木折蘇門嘯天寒子夜歌暮花悽白
露秋日燦文羅笛妓纏銀管箏樓瀉玉波轉聲
隨發艷斜盼忽頻蛾戎馬方休戰關河未寢戈
思君隴頭水無計贈驪珂

喜趙侍御見過

子威

花間駐駢馬露下欵柴門慘淡平生意蒼茫慰
藉言衆情皆已變懷舊向來存賞激辭多切睽
違分故敦憶從軒代寵重拜禹王恩直節山川
動堅貞柱石尊岩雞曾奉使白簡進南藩義奪

姦妖膽忠慚佞倖魂寃仁雖廟畧寂寞暫丘樊
未覺風霜苦俄看羽翼翻遇深令氣吐感極但
聲吞迅擊先橫隼榮輝首列鶴孤心期觸諱倚
望待除煩近奉

廷宸對知無國議喧威靈依

主相造育自乾坤林谷誰相問交游爾獨惇嗟
余卑蠖蟄俛首愧鴻騫經罷携鋤隴材宜偶灌
園藜羹徒欲糝苧褐總非溫空掩驪珠泣長銜
卞玉寃朔雲流斷雁江雨入哀猿拙薄猶難憶

清狂不可援同人迴後乘閒夜共清樽階際手
峰小歌前暮壑繁虹腰低海岸樹點過中原颺
歷殊初命淹翔豈一殮在公憐范叔沉族想劉
現當路能垂手微身敢惜躡况聞勞蹇蹇祇爲
重元元若也投竿起驅馳安足論

贈顧從化

子威

憶爾生人秀風雲豈後時孤臺雄賞在落日壯
心窺青嶂山楹窄羣峰岸幘卑傍徨才總惜栖
薄鬢堪遲相識皆非少平居自不疑鶯花涕淚

關煙雨楚江危後夜征鴻去空城畫角隳昔游
無復問別路悵然思筋力行方及扶搖未足悲
沉吟托毫素小詠一能遺

夢澤

子威

松門閉蘿葉春帳挂雲阿冉冉風行水涓涓日
渡河浮瀾生積氣大夢出長波淮南子入澤南曰大夢江
漢孤亭在乾坤一鳥過縈迴時斷續襟帶鬱差
莪地久荒煙霧林深暗罽羅雨衝沙雁急啼柰
峽猿何慷慨歡成歎歛歔泣是歌爲謀空學謾

萬事盡依和少壯須臾謝微言千載多誰知持
釣者釋駕未蹉跎

上太宰楊公三十韻

季朝

聖德昌新歷天心贊令圖

先皇毗賚弼太宰懋陳謨四海懸衡鑑中垣執
斗樞股肱康帝載喉舌靖王塗業豈旂常
在勲能社稷扶象成窺化冶運轉頌昭蘇翼
亮參三事忠貞映兩都保躬青瑣入奏疏
紫宮趨銓品皆才又標儀悉軌模昔年開幕府

統將伐匈奴畧地居延道鳴笳大漠隅風雲隨
顧眄雷雨任馳驅身繫華夷重威將聲望俱山
河一劔定草木萬方愉元氣從斟酌神工寄吸
呼芒生知結綠玉析辨銀鍬哲嗣材仍茂英賢
世所須無雙稱國士得雋冠鴻儒彩服兼朝服
明珠是掌珠協衷依鳳闕接跡上金鋪甲子
辰初徧群公騎總紆朱衣裁賜錦豐膳出
天厨堯甕千春露仙人九節蒲弦詩流筍簾考
鼓聞笙竽奕葉勞今著君臣義竟孚醇和齡

自承精白 眷因殊文武邦爲憲時幾

帝曰俞徵庸遲呂尚匡代小夷吾邊徼懷綬輯
乾坤紀誕敷太平關碩輔長此奉 唐虞

贈秦舉人屠君屠本洞庭山人 季朗

乾坤三寸舌函谷一丸泥揮手雲霄近憑軒華
岳低歸帆浮震澤展墓歷山梯玉柱標丹檢金
庭錯紫題鶴曾華表識路豈具茨迷孔落懸仙
鼠花深没竹谿椒漿無燥土松栢有哀啼張祿
提秦印留侯挾漢圭長安明月夜回首一悽悽



國家圖書館, NATIONAL CENTRAL LIBRARY, TAIWAN, R.O.C.

Handwritten text in vertical columns, likely bleed-through from the reverse side of the page. The characters are in traditional Chinese and are arranged in approximately 12 columns, reading from right to left. The text is somewhat faded and difficult to decipher precisely, but appears to be a formal document or letter.